

金石萃編

金石萃編卷一百二十一

賜進士出身 誥授光祿大夫刑部右侍郎加七級王昶撰

五代三漢

景福寺重修思道和尚塔銘

碑高二尺一寸廣二尺三寸二十六行行
二十六字至三十三字不等正書左行

陝府夏縣景福寺故思道和尚重修塔銘 王昶

左街講論大德守澄撰

將仕郎試秘書省正字崔虛己書

竊以理智凝然眞空清淨三常妙用十号圓明點惠燭
於昏衢起慈心於苦海寃親普攝凡聖齊收五乘既貫

於羣生三藏統包於教理宏張覺路大啟靈門金文演
解脫之音玉偈讚無爲之法天人共仰道俗同遵咸知
生死之源頗喻無爲之本卽我和尙俗姓師瑯琊氏生
卯角出家三十成道夏縣人和尙道高安遠德邁琳生
爲檀越之福田作如來之法眼深達了義久證菩提自
然變易之身曠劫超凡之德同塵不染悲濟有情現大
神通無妨自在山中採木風雨送來寺內看經龍神護
助崢嶸鹿苑巍巍鷲峯一方之瑞色長新四野之風光
景麗名聞寰宇譽滿帝都去口德二年十二月二日
示滅其時也祥雲貫日天樂橫空異香遍於蓮宮甘露

盈於衆木靈禽噪樹異獸啼岫悲風飄凡聖之衣血淚
洒人天之目盡歎無生無域皆嗟有去有來門徒弟子
哀慟難攀如喪考妣空深歲月幾歷星霜寶塔墮殘無
人再肯比丘志德出家當寺學業諸方持念法華經聽
習中觀論觀師遺跡遂發志誠勸化羣賢重興祖塔一
言道台盡自迴心擺脫塵機同親盛事捨財而三事體
空施物而三輪清淨非上智無以發深誠非哲人無以
崇斯善日月昏而復朗林欒變而再榮可以添川境之
殊祥可以壯法門之嘉瑞平觀禹國坐眺鹽池千株之
寒柏侵雲萬嶺之嵐峯掛月幾多英信歸心玉石之堅

數縣良能懇意給孤之行殊因告滿郢伎休工異靈聖
之照明願神祇之鑒祐况守澄也謬爲釋子深昧儒功
因閑暇於禪關偶苦辛於螢牖披書積學雖無閭市之
名揣拙成文粗有奪袍之志今則旣承懇口難議堅辭
遂罄荒蕪聊爲記述誠有慚於漏落實無備於徽猷乃
敘銘曰

先師聖德 神通自然 迥超三界 而出四禪 慈
悲願廣 覆蔭鄉川 恒爲燈燭 永作舟旂 重修
寶塔 勢聳雲烟 如山不動 似海深淵 恩霑沙
界 福利人天 遐邇歸依 萬歲千年

乾祐二年正月二日建

景福寺重建思道和尚塔衆邑人記

碑高一尺四寸廣一尺五寸
二十二行行字數不等正書

大漢陝州夏縣陽公鄉景福寺重建故思道和尚塔衆
邑人記

承務郎前守夏縣主簿權知縣事張廷煦 將仕郎守

夏縣主簿朱光輅 隨使右教使充夏縣鎮遏使鞏信

銀青光祿大夫前衛州司馬吳光權 將仕郎試大

理評事薛延希 前定州司馬康守信 將仕郎試秘

書省校書郎吳□□

修塔邑維卹頭趙宏進副維卹趙宏遇都維卹布衣三
命王文通南吳村維卹謝景瑋李項程彥暉張行實張
逢侯溫張仁遇呂彥柔薛溫楊思厚曹延審許思厚王
溫吳仁謙吳仁緒張延義趙思柔陳稹王思溫吳洪武
牛行思韓彥球紐延遇張思益牛贊楊思蘊周溫馬延
昭史延審張思厚賈延審張逢張思柔蘇詮李彥暉張
延福劉溫劉文遇王敬思郭璫郭達郭彥溫裴彥柔尉
延審郭思柔衛思溫張知柔馮澄張思玫趙彥暉李賢
呂頊張審楊延義楊訓李志成張重遇張普進楊文銳
張審尉思進傳審朱達張柔王禮趙遇王彥瑋介行恭

張暉楊行周楊暉張彥暉張重張儒呂溫張景厚劉賡
劉思厚馮行實馮暉牛重遷張遇張宏進楊溫陳祐常
延徽李行存陳敬思呂敬思陳延福張雅王彥溫劉達
張仁密曹遇劉彥溫孫蓋孫延支賈文瑞張文禮韓翊
史延通趙延福葉彥思

邑外施主閭諱等五十人女弟子武氏崔氏李氏薛氏
陳氏謝氏李氏張氏孫漸能牛暉

修塔都料張紹榮 弟知遠 錫字馬延義 書人張
宏信

寺主右街講經大德守殿 左街講論大德守澄 塔

院主重辯 匡因 僧詞超 修塔主業法華經僧志
德

乾祐二年歲次己酉正月乙巳朔二日丙午建

周

羅漢口陀羅尼幢

幢八面每面高五尺二寸五分廣七寸二分八
行行六十八九七十字不等正書在修武縣
佛頂耳勝陀羅尼經經况不錄
下仿此

伏以景儒等生居塵網長在牢籠汨沒愛河豈有涯
口口身是幻假四大以成刑悟性空時莫不憑善道
如電露似石火而難停若口口坊眾口等

不悟以去逞津樑無
准景儒等自□年前遂見當院精藍寶地是皈依作
福之田結□善緣乃爲衆會名羅漢邑□景儒等遂
又不改善果真誠年五十敬造尊勝陀羅尼經幢一
尊奉供

圓就所修上善功德各各□脩早立勝緣已
俟他歲畧述其宗不可具載奉爲 國皇萬□歲帝
祚遐昌文武官寮常居祿位□祈□坊長勿永保清
貞過去先亡俱登清淨之境一切時□沾□利□□
□□□□□□□□□□□□□□□□□□□□□□

特廣順三年歲次癸丑十二月丁未朔二日戊申口
立羅漢邑衆壹拾陸人維那田景儒口口口 邑錄
事谷口 邑人張口 邑人王全德 邑人李口口
邑人口口 邑人口口 邑人張口 邑人口口
本師和尚智明 歿故院主僧紹口 院主僧口
口 寄住僧口口 小師口口 匠人馮口 邑人
劉口口口口 邑人馬 思 邑人張口 邑人賈
口 邑人口口 邑人口口 邑人口口 同學僧
紹宗 口口口口

虎邱隨羅尼經幢

幢高五尺二分八釐每面廣七寸七分各八行行五十八字正書在吳縣

佛頂陀羅尼經

佛說大佛頂陀羅尼

下元甲子顯德五載龍集戊午日躔南斗高陽許氏
建

右幢在吾郡之虎邱一小石柱立于劍池之東于石水灘上鏤佛像兩層爲蓋按吳越于丁卯開鎮雖有寶正天寶寶大等號而奉周正朔故此幢稱顯德也然不直書大周而云下元甲子豈非有碍于國主而隱之也吾郡古碑甚少雖虎邱爲日涉之地而失

金石錄卷一百一十一
于墓拓庚申閏八月征閩藩旗官兵北上軸艫橫江
予自東洞庭山歸問道登千人座適大水跣足至幢
下病後目眊不能仰視兒子汝濟從游拂苔蘚錄建
幢年月姓氏見者莫不目笑之而予之迂癖爲難療
矣金石錄補

五代之際蘇州在吳越錢氏管內吳越奉周正朔故
以顯德紀年實吳越忠懿王嗣位之十一年也予二
十年前寓居吳門徧游伽藍古刹訪唐以前石刻皆
無有此幢建於吳越有國時楷書猶有唐人筆法雖
無書人姓名亦堪寶愛攷王象之輿地碑目未載此

幢近人修虎邱志亦遺之虎邱近在郭外游人曰肩
摩其側莫有過而問者椎拓著錄自子始其書趺爲
趺與王居士塔銘蕭思亮墓誌銘纏作纏同潛研堂金石文
跋
尾

廣慈禪院殘牒

碑上下殘缺高二尺七寸廣二尺六寸五分
分兩截書行數字數無攷行書在咸寧縣

牒永興軍

上院使判永興軍事袁□□

上香城禪院僧道清住持

上禪院爲名牒至准

上缺順三年八月日牒

上缺口李

上缺口

上缺令

使帖口下缺

右准

勅令如前所爲當府下缺

道清住持宜賜廣慈禪下缺

事須條錄帖本院切准

勅命指揮勒牌懸掛者口下缺

九月三日

判官張

副使□□

宣徽南院使判軍府事袁

天福四年二月二十日買得安口界菜市南壁上韓勲
口壹所准作價錢肆口缺口如後北至官街東至草場
南至通城巷西至太廟院

賣宅人殿前丞白韓勲年二十五 同賣宅人弟

口

下

同賣宅人母吳氏年五十八

保人前內侍省

內常

下

保人銀青光祿大夫檢校工部尚書康口莊

宅牙

下缺

按碑殘缺第四行順上一字不可見牒尾署銜有
宣徽南院使判軍府事袁者袁義也義於廣順二
年十月由宣徽南院使權知永興軍府事見舊史
周太祖紀此碑後列天福四年賣宅人姓氏天福
爲晉高祖建元蓋刻碑時追書其事猶顯德二年
永興軍牒附書廣順二年重修水磨寺僧名也

衛州刺史郭進屏盜碑

碑高九尺六寸廣四尺五寸二十九行
行六十三五十六字不等行書在汲縣

大唐推誠翊戴功臣金紫光祿大夫檢校司徒使持節

衛州諸軍事衛州刺史兼御史大夫上柱國太原縣開
國男食邑三百戶郭公屏□□□

朝請大夫行右補闕柱國臣杜韓奉 勅撰

翰林待 詔登仕郎守司農寺丞臣孫崇望奉

勅書

臣聞 宣宗知民間之事則曰其理者其臣惟良

唐太宗爲天下之君且云刺史乃我當自擇是

知雖 皇王□統馭□□□□□子之□□

□于士有美有惡難將一馬同歸或隆或污實類九□
相遠失人則苛政踰於猛虎得士則善吏□□良□可

不慎乎可不重乎

皇帝纂丕圖臨萬有以授

受難乎遂以理治急乎才漸行

日月之口輟成

古道終扇陰陽之炭銷盡兵鋒一日口承口曰衛州士

庶列狀以

聞述去盜之由稱守臣之美宜乎旌

其長口其口命之刊勒口其口光乃

勅朝請大

夫行右補闕柱國臣杜韓口乃銘之臣虔奉

口

口口口口口口口式口口口固口仁者安人斯其

至矣盜亦有道其可何乎矧乃抱奇口之口口昂族之

口奮迅於平陂綿亘於數口誠大丈夫號口太守口口

口口口口口口口回口口竹口口口口口口口口口口

□□卦豈同亡□□□□□麟經□契奔奉之事□□

汾陽公其人也公名進□州□□人也 皇

帝卽位之年自登而牧衛維彼商墟□□□任恢自
尙剛壯相訟□□□而□疾成風橫綠波而流惡不盡
公至止未幾□□而思且□□求中靜乎內而勸乎外
□身率下儉于己而便于人未有澄其沙而水之不清
去其□而木之不茂先之以力制次之以德攻化俗于
斯何盜之有公集□地□□于天府一度量□□□謹
出納□間審重輕之數拔規求之□塞□□之源□□
□先去其□廩之□乎夫馬寒則毛縮魚勞則尾賴物

之生也豈有異哉公能□□□□之附益□□羊之
□□□□□□得不謂先去其杼軸之盜乎□之□邑
□乃有經□符令則削煩省督責則息費得不謂先去
其簿書之盜乎□□於日中貨來於天下鹽羊適至不
韋未歸法前□□通同抑有司之侵利得不謂先去其
閭閻之盜乎公人臨事以自懲貪吏因時而變態於是
乎卜要術之所布□諭之文旣革而以□□或洗心而
尙晚俄乃付之逮□□以刑章夏虫適性以疑冰夜蛾
舞空而赴火或巢摧而梟散或穴□以兔奔雖沿波之
時因討源而是切且拔茅之後恐連茹以累多迴思傾

望之徒口設并容之術口口化之勉之撫之安之曰爾
胡不盜天時地利以耕鑿超衣食之源爾胡不盜毛羣
介蟲以捕獵求山澤之產或剖石採玉或披沙汰金取
之不爲貪得之不爲竊口口口口梁上偷生草中始務
匿藏終貽勦絕明中口口休拘趙禮之兄盡滌昨非不
問展禽之弟於是衆相謂曰嫉惡如讎公於

國

口視民若子私於我口聞其美言何口酬於布帛服其
異政何以荅於袴襦由是口其口知其禁強梁者遷善
返側者銷憂弃戟捐矛却問農耕之早晚帶牛佩犢遂
勤稼穡之艱難口所謂口乎內而勸乎外儉於己而便

於人者也自然山□□□清里閉戴若思之投劔誰
預客舩陶士衡之駐車不言官柳室家相慶上下咸和
爾乃□□□□□集醯醢而蚋至肉重□□□適
棄土而長謠登春臺而肯□可以□乎孟可以召乎江
山下火而爲賁丘園雲上天而□需酒食政旣成矣獎
□至矣公神□□□□沉□□□□□□□□□□
□見風雲之氣洞達□機命□而□藉時而□蛟龍遇
水□□□□鵬鴉乘□□□□刺于坊磁又遷于
□登衛□□之才聲華迭□□□□鍊轉見晶熒樂至
九□益聞清越□編青史□紀□□□□□赴童子□

口源流口爾口卿賜三公

口口千載交輝美矣

盛矣論者曰口之藏用在乎

口口口口口口口口猛於

口口自口熊之後善口口民垂畏愛於口門流忠孝於

昭代闕庭稱口風俗自新口口

周有亂

臣蘇使衛多君子

皇帝下口書口口口口口口

口口口必口倣側帽之口口口効墊巾之口其則不遠

見賢思齊引而伸之則口知矣紀太口而有口口明府

以居多未若當鈴閣之前於口門之口口之琬琰傳之

子孫臣幸口近口曾口口口口鏤口而見誦口口瓦以

非工謬承

聖主之恩用播賢臣之美凝神握管

空成科斗之書拭目披文不稱□□之□強抽秘思謹
作銘云

□□□□ □□□□ 連珠有爛 合璧無□ 固

本維何 在民者矣 其理□□ 擇人而已 倬彼

郭侯 系我成周 □□□李 事異□劉 鄉曲□

□ □煙□擊 劍引□□ 弓開霹靂 鼓隨畫角

□逐朱輪 誰□□□ 自樂行春 始刺于坊

今牧于南 □海便宜 □川煩碎 方圓並□ 畏

愛齊□ □□□□ 盜散荏蒲 帝王兮念功 □

□兮愛賜 他山兮□□ □蓮兮恩厚 □之兮二

天 勒之兮八字 剖竹兮有光 操觚兮無愧

顯德二年歲次乙卯五月戊辰朔十一日戊寅題

碑今在衛輝府治郭進爲衛州刺史羣盜屏跡世宗

勅右補闕杜韓序其事

金石文
字記

宋史郭進傳云周廣順二年秋遷登州刺史會羣盜

攻劫居民進率鎮兵平之郡內清肅民吏千餘人詣

闕請立屏盜碑許之顯德初移衛州衛趙沼間多亡

命者以汲郡依山帶河易爲出沒伺間椎剽吏捕之

輒遁去故累歲不能絕其黨類進備知其情狀因設

計發獲之數月間剪滅無餘郡民又請立碑記其事

卽此碑也。據史則登州宜亦有屏盜碑，未之見也。中州

金石記

碑多剝缺，予撮其事迹，蓋由衛州士庶列狀以聞。述去盜之由，稱守臣之美，上可其奏，命之刊勒。乃勅杜韓序而銘之。郭進見東都事畧，進仕周，改登州刺史。郡多寇盜，進悉爲翦除，吏民願紀其事。命近臣撰文賜之，改刺衛州河朔盜，匿汲郡山間者，稍衆，聞出攘奪，人不能滅，進往攻剿，絕之，民以安居。於是郡民又請立碑紀其事，改銘州團練使有善政，郡民又請立碑。詔左拾遺鄭起爲文以賜。宋史本傳同此碑所云士庶

列狀以聞正與相符又碑云初刺乎坊磁又遷於淄
登衛今東都事畧及宋史惟言由登刺衛而前此之
爲坊磁淄三州皆不詳也碑首題大周推誠翊戴功
臣金紫光祿大夫檢校司徒使持節衛州諸軍事衛
州刺史兼御史大夫上柱國太原縣開國男食邑三
百戶亦史所未詳碑待詔登仕郎守司農寺丞孫崇
望書字爲行體金石文字記以爲正書亦詔校堂金石跋
永興軍牒

碑高三尺二寸五分廣一尺四寸二十
三行行十五字不等行書在西安府

中書門下 牒永興軍

永興軍中除見有勅額已存留寺院外

勅通勘到在城應管無勅額口有名額及近置寺院共計伍拾肆處內肆拾壹口口停廢外餘有壹拾叁處無勅額從來口口院建置年深准宣分口到候指揮事

開元寺 勝果寺 太口昆院 西臺昆院 口口禪

院 口王護國禪院 資聖禪院 清涼建福禪院

經塔院 上口院

已口壹拾口口宜令依舊口口

口口院 泗州院 文殊院

口口處口並令准勅停廢

滕奉

勅宜令各依前項指揮滕至准

勅故滕

顯德二年七月三十日滕

中書侍郎平章事景

中書侍郎兼禮部尚書平章事王

守司空兼門下侍郎平章事

守司徒兼門下侍郎平章事

寺東北四里已來 常住水磨登動廣順二年院主

僧 修

寺稻田兩頃水磨一動亦充常住供養

按牒頒於顯德二年七月蓋顯德初詔并天下寺

觀有敕額者存無敕額者停廢

見後大歷山寺碑

此牒所

列應存者十處應廢者十處皆就永興軍言之然
長安志惟載開元清涼二寺知其餘八處宋時亦
不存矣後題中書侍郎平章事景中書侍郎兼禮
部尚書平章事王者景範王溥也是時兩人正居
此職與史皆合

廣慈禪院記

碑上下皆銑連額現存高四尺一寸三分廣二尺八寸二分二十五行字數無攷額僅存敕賜廣三字並

正書在
咸寧縣

大周廣慈禪院記

節度掌書記朝議郎試大理司直劉從乂撰

原夫了無相之因乃歸良然見有爲之教卽示莊嚴攝
口闕生浮想於是口無相而詮真諦以有爲而誘鈍根
嗟乎劫口闕動地但漲情口口貧窶而不能埋苦海之
波曠有術而不能闕以指迷津而口彼岸開惠日而破
昏衢未廣度於能仁應機誤闕隨業化緣質口口難信
之疑立像法相公之理不有開士孰匡口口闕故思遠
禪師之經始也

禪師本王氏子回中人也道性

元通口調象馬能降懽口之情體化蒲蘆盡作如來
之種微言殆絕景行彌高扣口無階駕真乘而長往
詳僧傳則於是乎在秘佛宮則可得而言

禪

化南昌教口口口時洪州廉使侍中彭城公請住香
城禪院口口二紀有志四方乃振錫浮江口徒登路念
三輔五陵之豪族想規天矩地口口思口驚峯遂歸
松柄未揮歸依者摘裝連袂而來擅施者接足駕肩
而至威優墨之良緣莫不童子標花神人獻柱簷施
布金之地口投果壁之錢材朽宅之頽基聳構正殿
中踰而口起長廊四注以雲舒曉鷗納口茁於藻井

文相憐亂盡拱撰羅達法堂以悟空設真教以陶智

定布經行之地以豫遊無里閉之舊塵口口泉之爽氣

率成佛闕我皇祖在省之二載也太尉袁公罷

侍闕玉節次宗結社潛懷出俗之心靈運居官

已熟生天之業拜封闕口口以斯題遂

勅賜獨廣慈禪院以廣口慈闕等苦節橫霜高名跨世

精進而身田自潤住持而眼界常空闕口而下蔭欲於

實利思勒貞珉託教美於非才庶傳芳於不闕存據實

之辭時歲在單閼月振季秋記

闕僧道清口維那僧道遂闕典座僧道口闕供養主

僧師口

顯德二年十月十日建立

安彥

中書侍郎景範碑

碑下截殘缺高一丈四尺廣六尺一寸

三十一行字數無攷正書在鄧平界

大周故銀青光祿大夫中書侍郎同中

書門下

平章事

上柱國晉陽縣開國伯食邑三百戶贈侍中景公神道

碑銘并序

翰林學士制議郎尚書水部員外郎知制誥柱國

賜緋魚臣扈載奉勅撰

翰林待 詔制議郎守司農寺丞臣孫崇望奉 勅

書

帝軒轅秉土德之運其臣曰象龍祝融能辨方域以制
區夏帝媽氏禪陶唐之基其臣曰伯夷后稷能典禮樂
以和人神 上古 佐命之道□□□□□□ 焉三政嗣 典圖

史寢盛弼綸輔翊代有其人皆 金 策丹書絢績 功 業垂
其訓聚而爲墳典 无 其美流而 爲歌頌陋彙簡之贊略

我則潤 之以 □□□□□□ 之 淪朽我則鑲之以貞珉銘

以紀功碑以誌行千載之下粲然可觀者其惟神道之

表乎故中書侍郎 平章事景公 諱範□□□□□ 皇朝

十一月薨於淄川郡之私第

天子廢視朝軫殲有之令制贈侍中遣使贈奠飾終之
典優而厚口口詔詞臣口文口製盛矣口口孔惺口

不出廟門杜預豈碑空枕漢水姑自矜於名氏誠未

顯於邦家與夫輝煌
帝恩導揚
休烈
□□□□

者可同月而語也

我大君之命臣聞景氏之先出於

辛姓從楚王於夢澤漢口侍臣賁漢於雲臺丹推名

將濟美焉
口口口口口
生偉
人維周之輔
長
山之下

獨濟爲川地勝氣清惟公故里夫嘉遁絕世高臥於是

者足以顯氣而為□□□□□□生於是者足以

□□□而為世傑故公之先由烈考太僕府君之上曰

王父賓大王父閏皆貞晦不仕介享天爵而集□□

□□□□□□□□□□仲日蒙公□□□□世

□□聿登相位而申甫之祥著矣昔者聖人之教天下

也本之以仁義制之以經籍是謂人文是謂人□□□

□□□以開物成務者□□□□所於此□□以公

輔之位必由稽古升廊廟之才必以經術顯而公以明

經擢第於春官氏則賢哲之□□□□□為吏於清

陽□□□□□□□□□□接於高密郡秩滿□□

授范縣令大鵬之翼鍛北溟以未舒蟄雷之聲殷南山

而不起

然

則□□□□□□□□

于之

□□□□□□□□

□□□□□□□□通人之才變而

順

則方圓之量不

能

局故公之佐縣政也人謂其勤且潔矣典刑

書

也人

謂其□□□□□□□□

邑格

以

□□□□□□□□

□使

政□而從之者則人謂其賢且能矣粵若日月

之彩得天而大明風雲之期遇

屯

而勃起□□□□□□

□□□□□□

稽銘

墳

□□□□□□□□

我大

周聖神恭肅文武孝皇帝建大功於漢室爲北藩於魏

邦初筵旣開得賢斯盛於

是我公

□□□□□□□□

口 命 告 國 之

口口口口口龍飛在天射戟
載聖

鑒至於霄極之口

皇業肇建創以公爲秋曹郎

進階至朝散大夫而

萬

之樞維聖人執左契臨萬邦經

大命日政之機國之大柄總於樞務者可謂重矣

而公
忠而賢

□□□□公爲左司郎中充樞密直學士尋轉諫議大

夫主職
今皇帝嗣位之始登用舊臣而并人乘我

天喪擁衆南寇親征之舉迅若奔雷分命大臣保董口

於公仍拜表

振帝代張黃鉞白旄燈羣克而皆盡參旗河鼓導清蹕

以言旋大既已九服又已定□□□□特惟輔臣

而公昌言可□□□□□□□□□□聖謨頌望可

以鎮流俗爰立之命帝心允孚六府肇脩兵

賦充大邦之用□□□□□□公自立不回信而有守

□□□□□□□□□□大運蓬時洪鈞在手資忠

孝於君父享富貴之崇高而盡悴之勞因

成患疾封章上優詔褒稱聽解利權□□

□□□□□□□□□□以列卿歸第懸車故鄉嗟風樹之忽驚

訴昊天兮何極見星而往夕露方多泣血以居晨聚屢

絕哀與性盡臥疾而終享年五十有二□□□□□□

□觀夫公之行事則其道也淳而粹充充焉無能稱其

言也直而肆審審焉無所忌耿介以自安勁直以自□

故其仕也□一命之卑□三□□□□□無悔客古

人之操何以尙也秉筆者得無愧於詞矣許國夫人李

氏嗣子太廟齋郎儼信等□□□靈□光□□丞書翼

翼賢人□□□□□□□□子事終之禮佳城閉日

長楸簪雲勒銘垂休以示千古其詞曰

長山蒼蒼溜水湯湯哲人之生逢時會昌哲人之逝魂

遊舊鄉□古山兮我我逝水兮驚波□而□死□□□

□□□□□□□□□□□□山有頽坂水
有高岸人何世而弗新善有名兮獨遠猗歟公兮時用
不顯

顯德三年歲次丙辰十二月己未朔越十日戊辰口

鄒平縣南五里有景相公墓通鑑五代周顯德元年
七月癸巳以樞密院直學士工部侍郎長山景範爲
中書侍郎同平章事此地唐時屬長山也景氏之裔
自洪武年間有兩舉人今亦尙有諸生不能記其祖
矣不知何年謬傳爲晉之景延廣而邑志載之以後
山東通志等書襲舛承謫無不以爲延廣墓後有今

於此者謂延廣于晉爲諛國之臣遂至咎其後人而
毀其祠昔年邑之士大夫頗有能知五代間事以爲
非是于至其邑有諸生二人來稱景氏之孫請問其
祖因取通鑑及五代史世宗紀示之又示以景延廣
傳曰延廣字航川陝州人也乃謝而去及寫碑文以
來其文爲翰林學士朝議郎尙書水部員外郎知制
誥柱國扈載撰雖剝落者五之一其曰故中書侍郎
平章事景公諱範字甚明白且生封上柱國晉陽縣
開國伯沒贈侍中其文有曰我大周聖神恭肅文武
孝皇帝建大功于漢室爲北蕃于魏郡又曰今皇帝

嗣位登用舊臣又曰冬十一月薨於菑川郡之私第其末曰顯德三年歲次丙辰十二月己未朔越十日戊申因嘆近日士人之不學以本邑之人書本邑之事而猶不可信以明白易見之碑而不之視以子孫而不識其先人推之天下郡邑之志如此者多矣

又按通鑑顯德二年八月丁未中書侍郎同平章事景範罷判三司尋以父憂罷政事今碑文有云以列卿歸第懸車故鄉嗟風樹之忽警訴昊天今何極則是罷官歸里而後遭父喪與史不同

顯宏武山
東考古錄

鄒平縣西南五六里有小山曰相公山山前有景相

公墓墓上有碑雖闕文尙可讀近于奕正作天下金

石志亦未之載

池北
偶談

案舊五代史景範傳云官爲立碑卽此是也碑載故
中書侍郎平章事景公諱範又載上柱國晉陽縣開
國伯及贈侍中宇後載今皇帝嗣位登用舊臣及以
列卿歸第懸車故鄉嗟風樹之忽驚字又載冬十一
月薨于淄川郡之私第下周太祖紀廣順三年春三
月以左司郎中充樞密直學士景範爲左諫議大夫
充職世宗紀顯德元年七月癸巳以樞密院學士工
部侍郎景範爲中書侍郎平章事碑謂登用舊臣蓋

範當太祖時已爲諫議矣碑言晉陽縣開國伯冊府
元龜載世宗卽位七月制詔範爲晉陽縣開國男當
依碑作伯又碑言以列卿歸第案本傳云範理繁治
劇非其所長雖志心盡瘁終無稱職之譽世宗知之
因其有疾乃罷司計尋以父喪罷相東歸並與碑相
符

授堂金
石

按碑今在鄆平縣印臺山左其地別有小阜因範
墓所在遂呼爲景相公山土人向誤景相公爲景
延廣山東攷古錄辨之以爲志乘之誤今檢程素
朝所修鄆平縣志則已改爲景範墓并載邑人成

和微之言曰嘗讀五代史故周中書平章事景公
範卽吾邑城南景家莊景氏之先人有墓在城西
南五里許相公山側山以公得名也公生平履歷
詳載墓碑原刻公諱範前豈作縣志乃謬爲景
廷廣考之通志及王元美藝陽妻景氏志並吾邑
都御史仁軒張公作儒學記率皆從謬亦一公相
去年代未遠同姓同官故致魚亥其後裔多朴魯
知考縣志而不知據墓碑家廟中復刻石爲誌亦
誤之甚矣此說正與顧氏相同竊謂範仕後周雖
無大節表見而薛史本傳稱其爲人厚重剛正無

所撓屈較之延廣營私誤國者殆不可同日語乃
數百年以來流俗傳譌茫無別白使範地下有知
亦當含忿所幸墓碑尙存儒者得攷而辨之而邑
志亦從而訂正蓋碑碣流傳有補于世道人心如
此歐史不爲範立傳薛史傳見于永樂大典者寥
寥數語此外別無可攷僅賴墓碑得見大概然碑
下截已殘蝕不完存字甚少亦不能定其每行若
干字向汪明經昭從他處錄得全文闕者十幾二
三以之旁注碑文闕處知全碑實每行五十八字
而景公生平出處略可攷見矣景氏本齊景公之

後見廣韻戰國時楚有屈景昭三大姓碑云景氏
之先出於芊氏則其後也碑又敘先世云從楚王
於夢澤差口侍臣畫漢口於靈臺丹推名將景丹
後漢書有傳景差見史記屈原傳贊與宋玉唐勒
同時皆以辭賦稱揚子法言吾子篇及漢書古今
人表皆作景璠史記索隱云作差者字省徐裴鄒
三家無音是讀如字攷李商隱宋玉詩黃庭堅答
任仲微詩景差與家花同叶是讀爲初牙切碑書
作差當亦讀本音也碑又云公之先自烈考太僕
府君之上曰王父賓大王父閼史並不載惟世宗

紀稱顯德元年八月丁巳以戶部郎中致仕景初
爲太僕卿致仕宰臣景範之父則太僕府君名初
本任戶部郎中以子貴加太僕卿故碑但稱其加
贈之官也傳云世宗北征命爲東京副留守車駕
迴自河東世宗以艱于國用乃以範爲中書侍郎
平章事判三司因其有疾乃罷司計尋以父喪罷
相東歸順德三年冬以疾卒于鄉里優詔贈侍中
碑則云公以明經擢第春官爲清陽吏高密掾授
范縣令周初以公爲秋曹郎進階至朝散大夫左
司郎中充樞密直學士尋轉諫議大夫皆史所略

可據碑補之也又世宗紀顯德元年正月壬辰太祖崩丙申帝卽位二月潞州奏河東劉崇與契丹大將軍楊兗舉兵南指河東賊將張暉率前鋒自團栢谷入寇帝召群臣議親征嗣於三月癸未詔車駕取今月十一日親征卽碑所云并人乘我大喪擁衆南寇親征之舉迅若奔雷而云分命大臣保釐字闕七於公仍拜貳卿卽傳載命爲東京副留守也是時帝以樞密使鄭仁誨爲東京留守因命範爲之副冊府元龜載世宗制詞所謂戎輅親征皇都是守贊勳賢於留府副徵發於行營者是矣

山東攷古錄據碑歸里而遭父喪與通鑑以父憂
罷政事之語不同今玩碑云盡瘁之勞因成恙疾
封章疊上優詔褒稱聽解利權口專同七以列卿
歸第縣車故鄉嗟風樹之忽驚訴昊天兮何極見
星而往夕露方多泣血以居晨衆屢絕云云知範
初以告疾歸第但罷判三司將欲縣車適嗟風樹
然後見星而往罷相東歸與通鑑及薛史語正合
顧氏以爲不同非也碑末年月一行越十日戊辰
顧釋作戊申亦誤是碑扈載奉敕換兩史載傳云
載游相國寺作碧鮮賦題壁世宗遣小黃門就壁

錄之覽而稱善因拜水部員外郎知制誥遷翰林
學士賜緋而載已病不能謝居百餘日乃力疾入
直學士院世宗憐之賜告還第碑題翰林學士朝
議郎尚書水部員外郎知制誥柱國賜緋魚袋臣
扈載當爲力疾入直時所撰也書碑者孫楚望題
翰林待詔朝議郎守司農寺丞與郭進屏盜碑同
惟朝議郎彼作登仕郎爲異耳楚望書頗雅飭而
賞鑑家無道其名者亦賴兩碑知之

大岬山寺准勅不停廢記

碑高六尺七寸五分廣三尺四寸十六行行三十四
字其末行三十七字後又小字六行並正書在潘縣

黎陽大岨山寺准

勅不停廢記

節度掌書記馬去非撰

大岨山者上摩軋象下壓坤牛左巨浸而右太行誠爲壯觀南夷門而北大魏最擅繁華遐重昔人能擢勝境以茲山之足爲佛足矣以茲山之頂爲佛頂焉寺內有缺口碑銘載相續日月儼三十二相亦四五百年首蓐連珠肩隈合璧或孤鴻夜至移雁塔而自口方六出朝飛拔雪山而歸此處神功捧護巨靈措手以難開佛力昭彰秦后着鞭而不動傍臨迥漢顯超岸於當時俯瞰危峯類投崖於今日不待龍吟深谷我有法雨而清陳

根何須虎嘯幽巖我有惠風而吹昏垢潛施殊福溥及
群生雖日用不知且人何以鄙

今皇帝君臨區

宇子視黎元慮一夫不耕天下有餒者一婦不織天下
有寒者向乃頒行天命條貫僧居有

勅額者存無

勅額者廢非輕釋氏用該游民勞哲后以去華使
空王之保大茲寺也詢諸耆老唯曰大岷蓋前古之寺
名非近年之

勅額如斯數列胡免廢停

我主公都尉指命僧徒繕錄銘記閱其狀跡頗歷光陰
邇爲奏陳却獲仍舊寺主僧從超住持最久焚禮甚精
初議毀除舊有白甍之歎及聞存惜爲刊黃絹之辭去

非碑謝洩鷄文慚吐鳳既高僧之固請乃下筆以直書
庶紀厥由終無革故時大周顯德五年

大周顯德五年歲次戊午大周顯德六年歲次己未
七月末日寅時建立

前黎陽發運使銀青光祿大夫檢校工部尚書兼御
史大夫上柱國孫郃

大岷山寺主業行願經大德賜紫老從 小師惠志

釋進 釋琛 釋懿 釋真 釋通 釋美 釋

義 口口 住僧萬均

前儒林郎試大理評事守令兼監察御史賜緋魚袋

孫昭口

前承務郎中主簿王守正

前坊州軍事判官將仕郎口大理評事王口

前義成軍隨使押衙口鎮遏使口口王口

鎮將陳緯

將仕郎試大理司直口口口口口口口口令兼殿中侍

御史郎光口

登仕郎口口口口口口口口口口祚

前口青州別駕知稅侯紹口

義成軍隨使押衙口口稅王繼勳

國門口

三司押衙口口州倉張琪

三司押衙口口州倉口口

德軍押衙寄書專官劉□
□奴張素楊□

王琪
李貞

[illegible]

都料匠人李柔

劫文

附刻碑首十二行行七字後
列院主名二行其十四行

析到在州及口城有勅及無勅并

年深寺院其肆伯陸拾叁所內叁所舊有 勅茲年
深失墜文牒口指揮者黎陽縣大岨山寺昨城縣契
心禪院在州東城內口口口已上叁所宜並令依舊
住持者

大佛院主口口察小師口口

口口院主左街傳經大口口口

碑上爲勅下爲記云大岨山者上摩乾象下壓坤牛
左巨浸而右大行以黎山爲大岨亦承唐以來相傳
之誤

中州金石記

按衛輝府志大伾山在濬縣東南二里山高四十

文周廟五里禹貢導河至于大伾卽此一名黎陽
山又名青壇山碑云茲寺也詢諸耆老惟曰大伾
而首題黎陽大伾山寺蓋已誤合黎陽大伾爲一
矣舊史周世宗紀顯德二年四月詔諸道州府縣
鎮村坊應有勅額寺院一切仍舊其無勅額者並
抑停廢是歲諸道供到帳籍所有寺院凡二千六
百九十四所廢寺院凡三萬三百三十六碑所云
頒行天命條貫僧居者卽此事也據碑蓋大伾山
寺向無勅額賴主公都尉之請得不停廢寺僧因
刻此碑並勒勅文於上耳所謂主公都尉者亦不

知爲何人也記末時大周顯德五年六字當是撰
文之年次行紀立石年月而云大周顯德五年又
云大周顯德六年殆出寺僧手筆石刻中所僅見
者

金石錄卷一百二十二

賜進士出身 誥授光祿大夫刑部右侍郎加七級王昶

五代 吳 以下十國附

大安寺鐵香爐款識

鑄未詳其高大若干尺共六層上一層三面有字北
面十四行行十字至十四字西面七行東南面十
一行行十字或十一二字第二層惟南面有字三十
六行第三層足下有二人名第四層無字第五層蓮
花瓣上通著玉字又東北面有人名二行下一層
八面皆人名今逐一依次注明如左在南昌府

維吳大和五年歲次癸巳七月乙亥朔十五日己丑鑄
此香爐重一万二千斤於大安寺大殿永充供養上爲
國王口口府尊令口口縣口口官寮三吳百姓師僧父

母口方口口法界有口四恩三有同沾福利

都勾當口口鑄香爐口師立

都維口僧美琮

上座僧口暉

寺主口口口

口口僧緣遂

監寺口口德口香口口僧口願

明口口口口口楊彥思

口口口口口思劉詮楊

徐口口口楊魯楊新口

從

金口

口

口

威

口口弟子口口口

禮

右上一層北面

檀越主却青六王

證因僧智元

唐延格

朱彥瑫

吳少軋

余一娘

郭可瑗

習

拯

朱衙女

習衙娘

呂從寶

羅六娘

袁十娘

熊超

戴十三娘

施

太

周宏傑

趙

從

黃祐 張五娘 施超 涂從 徐十一娘
李從 藍敬鋒 胡二娘 徐祿 周雅
楊理 徐璠 李進 王彥思
韋章 吳暉 陶魯頌 曾師德

右上一層東南面

同用工胡德蕭道口丁從富等造大殿上用釘二萬
口與香爐上共緣化得鐵及錢收買其計用鐵一千
四伯斤打造上殿使用並足永充供養

都勾當釘口師立

右上一層西南面

賈彥琮 李三娘 賈宏口 共拾鐵三百

楊 樵 丘五口 朱延浩 丘口 陳虔益

李 劉彥宏 蔡 鄭宗本 宋

趙 文 熊 超 口 魏 宗 朱景約

魏 榮 周 榮 劉賓敖 節進 王田如

劉可口 口口口 俞 華 口口福 口承口

口口 楊延口 口口 劉 口 口暉

金師口 口口口 口口 口口口 口口

口口 三妻口一娘 口彥口 杜 口

鄭彥言 張安瑄 郭 太 李訓福 李 厚

周本連道成弟子吳靖如妻陳二娘

張廷珪羅口丁知進杜珠盧福

李延福冷口趙再榮進呂仲

劉彥超

右第二層南面

劉匡

口口口

右第三層

口者王師口

冷漢琮李口

右第五層東北面荷花瓣上

□□□ 謹錄□□捨錄□□□□如□

錢□□ 劉□

□□□ 田□□ 倪可知□

□□□ □ 袁

□ 李□□ □彥□ □ 黃□

□□□

□ 珪□元□ □ 超李□

□□□ □□□ □□女

□□□ 鄭□□ □仁□ 黃□□□

右下層北面

吳彥韋六口口口口趙言

權王彥口

曹敏祁口口李口張口口

口三娘二娘金娘魏四娘唐郭

口妙口汪杲口張五娘雷三口

口口口口口口

口口作

閔公錫馬曙口口

口口口口口思丁口

□□娘 徐廷壽 庚□□火庚 母

庚□彦

□敏六 孫六娘 □□丁□三娘

右下層東北面

孫廿娘 王□諧 殷彥暉

汪超 丘六十娘 □浩 顧承菴 □□娘

□一娘 □賓 陶影 熊彥卿 龔

□謙益 □□娘 劉□ 何敬新 熊

右下層東面

周訓 祝遇 王□□ □師簡 劉□

董□□楊□□□魏□□□十□娘

劉彥輝朱禾張五娘王□鍾一娘

何君武烏四娘李十一娘□崇羅六十娘

潘從鶴潘厚十娘呂一口

藍敬祥□李彥思□黃從約

□□徐彥樞□□徐廷亨張

習□朱□衙娘甯十二□王十五娘

以下闕
九行

右下層東南面

萬師□仇暉□□□娘姚□□鄭□□

魏師□□ 和五□□ □

□勾當□□□ 都□□□□

右下層南面

□看□□ □□ □□ □

以下闕
九行

周 □ 胡

勸首楊□ 李進□□□□

□宏進□ □二娘

徐□□ □□娘

□良玉 □ 馬

勸首□楊□□□□□□福

龔王□謹□名張延福

□□萬全□□趙言曾□

□超魏師□□□萬令□□僧

□□□世□娘子

右下層西南面

勸首□□□□劉□□劉□□進

陳□□□

勸首張彦□房□□胡彦徐□

□□李□□□徐超

陳彥□□□

勸首□□□□□□□□

周□胡思□□

勸首□□佐王□楊泰□□

□□曹延□□和

勸首□□□□□□□□

勸首楊□□□李可復吳□

□永□□□□□□□□

□□□

勸首□□□周彥劉□□□

李山口 劉 口

右下層西北面

曹生曰瑚好集金石文字從上元燈市購得鐵香鑪
識十紙以示余文稱吳太和五年歲次癸巳七月己
丑鑄此香鑪收買鐵仄錢打造計重一万二千斤安
大安寺大殿上爲國王吳主府尊令公十方萬姓永
充供養證因僧智元鑄鑪匠工師立所云國王吳主
者唐亡十二年吳猶不改天祐年号至楊行密次子
隆演乃始建元第四子溥雖御文明殿卽帝位國人
猶稱曰王而以主代帝也府尊令公者太和三年以

中書令徐知誥爲金陵尹也十國之主率多佞佛楊氏所有二十九州往往鑄金刊石若昇之興化院江之開福院安國寺均有鐘鐘有銘見于王象之碑目若大安有寺金陵荒利志不載然銘既有拓本則茲器尙存無疑題名百人中有金一娘段二娘雷三娘魏四娘張五娘孫六娘金七娘戴十三娘卅六十娘雜之都勾當工人姓名中混冠衣下山幘何也縣書集

按鐘在南昌府大安寺江西通志寺在省城北有鐵香鑪高六尺許識云吳赤烏元年造其鑪不知亡於何代今寺中惟此鑪鑄然尙存而志獨不載

何也志稱大安寺初名東寺晉時有西域僧安世
高本安息王太子避位來止於此遂名大安寺唐
武德間改爲宣明寺大中間又改普濟寺明初重
建復今額鋪造於楊溥大和五年欵云於大安寺
大殿永充供養或吳時卽復大安之名矣

龍壽院光化大師碑銘

碑連額高五尺八寸廣三尺一寸五分
分三十行行五十字正書在南昌府

洪州雲蓋山龍壽院

光化大師實錄碑銘

前守武昌縣尉歐陽熙述

北海郡漆茂成書

大師俗姓劉氏法諱懷溢本無諸倚郭閩縣人也卽

巨唐相國彭城劉公瞻之次子也童年慕道不習

儒宗時醜亂之歲厥父携同詣

京師因辭弗往漸

登九歲俄自發心弃捐俗務投立磨山普資院杜禪師

門下求爲弟子影

侍中璿禪師立性孤僻抱直嚴難

未許昇堂不容入室且堅苦節每勵勞形涉歷年華經

逾炎冷身齊槁木心類寒灰一自入山久淹出谷十年

精口午夜志疲

師長念及功勲知爲志器于年十

九方與落髮披

結束法衣遣求和合恭丞

嚴旨高

別林泉星夜登途望風取路遙山獨步峻嶺孤征時往

日來俄之中嶽會善寺瑠璃壇欣逢法侶

新啟霏

壇大扇律風高懸戒月以緣諸偶養善冥符不上牛車
便探衣寶併三衣而爲一納弃五事而整一孟松下塚
間行頭陀行雖行是行恭問匪忘遍歷遐方訪尋知識
無道場不逢古德有請皆遇 宗師其奈不妻聖機情

源擁塞如渠聚土狀棟當衝須議芟蕪終明火抉而乃
直拋衝嶽專筵滌溪函杖而誓扣關開振衣而立融堵
雪 禮源和尚一觀奇特許厠門堵久而彌方漸昇

堂堂况乎居猶學地道未博通仍於異時侍立左右和
尚演于法頌云五嶽山中古佛堂毗盧晝夜放圓光大

師纔聆妙說頓入清涼悟卽利那迷流沙劫一言契合
萬慮情亡豁若雲開皎同月朗旣除疑滯不慕遊方遊
韻傳燈嗣何宗嗣卽曹溪六祖付法讓大師讓大師授
馬祖馬祖傳百丈百丈分黃蘗黃蘗之林際得林際密
旨者唯灌溪焉入灌溪室續焰挑燈者誰卽 雲蓋

大師矣 大師然以聾天月白覺海波清真燈未燭於
祖堂雷振停開於塾戶維廣明初之 上都值黃戎

犯關 僖宗皇帝駕幸三峯暫避狂徒 勅選十員

禪律經論詩賦文章大德駕前供奉 和尚禪宗一位
也 勅賜福田禪師止三峯再賜大自在禪師爾後狼

煙息蕤草孽停爭時屬太平寰宇寧靜光宅四海慶洽
萬邦特軼 唐堯更于歲号爲光化元年實謂山呼海
蹈舜日堯雲百辟稱慶於龍廷三寶丞歡於 帝澤悉
衍雨露亟被沾濡 和尙特 光化大師仍頒 命服
禪袍改爲樅色 簡誥迴錫 皇恩旋聞海晏河清
遠播民舒物泰變駕將迴於万乘寶位却復於九重
帝積丕昌龜圖螭負 皇帝昇于大內慶叶千華金
鷄繞樹於琅玕瑞渥霽流於遐邇遂抽 御製揮當玉
展之前表發金言綴向霜牋之上遂改光化爲天復元
年當年秋上表乞養疾以歸南別 天顏而出北旣遙

鳳閣堅駐龍沙山二年時有唐鎮南軍節度使中書令南平王鍾公作鎮乘時虐祿扣寂位崇列土心仰靈門一禮慈悲三申延請洪鍾預扣難藏衆耳之音幽谷傳聲已播多人之口和尚弗能違命遂許宣揚

志出池隍深奇水石

府主鍾公捐清俸嚮白源立

山雲口爲稱伐材構院奏額龍壽彰名旣畢莊嚴遂陳延請開堂演法垂手度人蟻聚禪徒蜂來道侶於茲三十餘載問法千萬數人於吳大和六年甲午歲杪夏十一日示疾松堂迨于中秋二十八日夜子時歸真丈室俗齡八十八僧臘六十七當年冬十月二十口日移

龕瘞乎真塔去院法堂東北隅二十步之外初終覲觀
壑樹豐碑事集一時彌流永古上足小師充院主道歸
典座小師道環維那僧紹微直歲小師道聰堂中上座
僧照照徒衆僧師蕩等並禪河舟楫奈苑芝蘭咸佇分
燈續開壽室慮以先師歲華迢遠莫紀芳猷故鑲貞
珉命爲斯記熙儒宗後派學苑微材恨同侍於指南
嗟未親於丈室恭承來命合掌虔誠頂想
慈悲敢爲銘曰

開士垂儀 覺皇真子 洞究顯微 達乎志理 不
受毫釐 寧容彼此 法嗣湛溪 燈分林際 水上

星靴 長安駿驥 挾枕京師 販崇明帝 師號紫
衣 傳宗恩賜 處世界兮 如把虛空 若蓮華兮
真不著水 故演慈悲 強云出世 南平鍾公
虔迎駐止 群生緣盡 化終已矣 出沒難拘 浮
沉自在 月隱曇天 龍潛覺海 師不來兮 混四
生中 師歸去兮 超三界外 勞生戀兮 謾自悲
傷 若蟬蛻兮 有何憎愛

吳天祚二年歲次丙申七月丁亥朔二十七日壬子
立 侍者僧神達 住持院主僧道歸

太原王文通刻字

按碑前題前守武昌縣尉歐陽熙述北海郡漆茂
成書兩人名無可攷熙文甚繁冗然敘事無次用
筆艱澀幾於辭不達意茂成書亦庸劣半皆委巷
俗體大類工匠所爲書撰如出一手宜其不傳也
碑稱大師俗姓劉氏巨唐相國彭城劉公瞻之次
子劉瞻字幾之其先彭城人後徙桂陽大和初擢
第四年又登博學宏詞科累官戶部侍郎翰林學
士同平章事加中書侍郎兼刑部尙書集賢殿大
學士十一年以上疏請釋醫官韓宗名等忤帝意
罷相位見兩唐書本傳碑云遵襲傳燈嗣何宗禪

云云攷南岳懷讓得法於曹溪六祖讓傳道
馬祖一傳懷海卽百丈海傳希運卽黃蘗希傳義
元卽林際元傳志閑卽撫溪碑敘世系與傳燈錄
續文獻通攷諸書悉合惟書臨濟作林際爲異耳
碑又云維廣明初之上都值黃戎犯關僖宗皇帝
駕幸三峯暫避狂徒勅選十員禪律經論詩賦文
章大德駕前供奉攷黃巢寇京師帝夜趨駱谷事
在廣明元年十二月卽所謂黃戎犯關駕幸三峯
而云敕選駕前供奉十員通鑑及本紀皆未之及
也洪州本漢豫章郡唐武德五年置州至南唐交

泰元年始改南昌故是時猶稱洪州耳碑云有唐
鎮南軍節度使中書令南平王鍾公者鍾傳也新
唐書鍾傳傳洪州高安人僖宗時拜鎮南軍節度
使中書令爵南平郡王與碑符碑首行標題光化
大師空四格文中遇大師和尚字又空一格或空
二格而巨唐空三格僖宗皇帝皆空二格府主鍾
公亦空二格益足見書碑者不學無術自亂其例
也

南唐

諫公安公構造殘碑記

石已斷上下俱失去僅存高三尺三寸廣三尺二寸八分三十行字數無考正書

晉水齊雲山末釋

缺 虎踞小之則鳳峙鸞翔皆崇以 佛宮盡立 缺 形尙

在靈泉涵湧灌千頃之田園異樹婆娑口 缺 生草茅漸

沒 國家祈禱口瞻瓦礫之場 缺 四民樂矣五教

隆焉咸誦堯舜之風盡詠禹湯 缺 人多舉意則有檀鄒

衆戶同連欵狀其詣 府門 缺 口崇作今來之金地仍

口 威嚴怙疎差遷公幹主 缺 上人之謂歟 謙大

德道行清高心懷澹寂雄經口 缺 副僉諸已斯主綰公

卿仰慕緇素傾瞻 安口上人神 缺 無意遊行精舍仰

監有心建立於是 師長委之匡構 缺 口緣言論逐分

注題口斂資金留易材木尋其巧匠召以 缺 口橋爰從

保大三年起首迄于四載興功變此口口成斯運 缺 口

杙向夕陽而似哈雲霞當朝旦而如暗霧露 口口

日 缺 口之猿聲響亮泉池寫漢時時之月色晶明疑從

口口口移口 缺 自諧住止適以精勤廣召信人深嚴

佛事修生口口福善結 缺 口莫委元由之事須磐貞石

以鏐 清名契恩內典口虛莫口 缺 詣以蕭宮纔申攀

口之儀便沐 周隆之禮尋垂 口口弗可口 缺 乃爲

銘曰

大哉皇覺廣應人天教敷妙旨法□□歸化□缺然不

傾各變形質爲石堅貞四方祈雨八表揚名□□宋代

有此缺唐昇元歲末保大惟新地欲興發果得其人安

公竭□謙德擢身告其缺

缺李□李琛李勤李宙李賓李瓊李寵李珏李從□

陳□陳□陳暉李□□□□侯程唐□唐缺惲彭令

安杜彥徽李彥暉彭偉孟誠李□楊澄潘居實張宏

陳進李惲李□□誠陳緒栢□呂威俞缺規張紹朱

德戴惲沈琮耿實耿信耿言耿昶耿遇耿瑕耿昉許

規謝會張五娘張五娘陳二娘易六娘李十娘缺張

忠章箱嚴二娘張十五娘戴五娘張八娘嚴四娘吳

口娘陟口娘張口娘會首口口口口焦可焦侃焦霸

缺

呂二娘葛三娘會首劉五娘吳奉匡度于洪姚審

匡暉吳威丁鏐陳憚口章吳口吳憚陳口口口口

口張大娘吳口娘陳缺口口詮易駢易調駢匡顗許

四娘焦十娘會首成皓成口成侃宋敬宋口宋泰成

口口口口娘會首馮註缺口倪洪嚴三娘會首龔

大娘李宏爽李師炬李師宥王十二娘徐大娘朱大

娘成大娘口二娘孟大娘戴大缺倚畢容呂暉孔昭

呂佐賈強樂真葛四娘魏七娘會首李延修李福李

安李處德李口

缺

衛贊紀紹紀誨劉四娘會首魏遠

朱十娘衛大娘嚴八娘周口娘會首王容王琰王崇

會首萬二娘

缺

缺秦正之月二十八日慶懺畢建立

寺主僧德謙

勾當僧智安

都料僧

碑已碎裂僅存中間一段有云保大三年起首造於
四載與功又云昇元歲末保大惟新知其爲南唐碑
也予初見碑中有宋代字疑爲宋初刻及讀元僧伯
元所撰記云寺建於宋營陽王義符景平元年始悟
碑云宋代乃追敘之詞謂劉宋非趙宋也觀碑又匡

字竝未迴避其爲南唐石刻無疑碑載會首姓名有
嚴二娘張十六娘夏八娘戴五娘張八娘嚴四娘吳
四娘薛六娘等錯列于男子之中與大安寺鐵香爐
題名正同使秀水朱氏見之又當議爲丁口無別矣
潛研堂金
石文跋尾

大明寺殘碑

石高一尺六寸廣一尺八寸七分
二十四行行約二十六字正書

唐東都江都府江都下錢

界曰娑婆劫名賢善釋□□□□□□□□□□
□□□□□晉儒風大扇文動閭中之□□□□□□

□□□□□□□□□紫文皆美玉武盡□金爲□
□□□□□□□□□□□書堂師之高□
也師有弟諱道□□□□□□□□□□□投
師龍興巾瓶執事苦心幹節諷誦□□□□□□
□□□□爾後住寺法雲繼徒覺觀名揚上國位極□
□□□□□□□□□當其弟一補以科名□錄奏
聞□□□崇□□□□□□□□衣孟好行惠施甲
辰光啟□□飢民□□□□□□□□□□之功
師捨壹伯伍拾萬金於寺西南隅主公莊□國□□□
□□□作庵寔之所朝昏夜月春來而松檟蹁蹁□□

口口起口口口晨鐘夜角課誦無閑漏永更闌
心口十利口口口濟口口口月比高墻塹繡門笙簫
柱礎師孫五人義口義修義澄義口義口節操冰霜終
而復始師之法懣也化無有盡穢境潛拋俗年九十有
口不寧迴入禪扉凭於机案止於申後淨土栗園俄爾
緣終口口異口口於茲山淚掩門人心摧徒衆同悲增
信共泣人神是以表旌方口口師之終也方陳刳石用
記紀綱奉命直書口爲銘曰

出俗愛經永拋業緣不住口宅便弃連綿旋歸舊址請
住法雲院号大悲止今有文吳祖建寺選名秤平奏聞

金闕請在大明性便布施不顧衣孟未省愛憎豐盈四
衢有爲不住遄速何苦故立往生園畱今古浮圖巧妙
地久天長綾屑顯煖崢嶸難量

唐保大七年歲次己酉四月廿一日記

按大明寺碑近因修寺得于土中前半已鑿泐銘
文尙完好可誦前書唐東都府江都縣後書保大
七年歲次己酉四月廿一日攷寶祐志云大明寺
爲古栖霞寺在縣北五里以其在隋宮西故又名
西寺寺有浮圖九級卽大觀圖經所載隋仁壽元
年詔海內立塔三十所之一又高僧傳云會昌三

年欲滅教法劉隱之夢見是塔東渡海後塔遂燬
于火然碑銘云吳祖建寺選名祚平奏聞金闕請
在大明又云浮圖巧妙地久天長則楊行密時寺
會易名祚平而自保大七年上距會昌三年一百
六年中塔葢已復建矣唐初以江都郡爲南兗州
一改爲邳州再改爲揚州淮南道至行密僭位吳
王都揚州始號江都府南唐徙都金陵置東都于
揚州而揚州爲江都府如故江都縣名亦不改碑
題江都府江都縣正興史合至碑文駢體字迹雅
潤可喜願似香積寺碑云

龍興寺鐘款識

款識凡兩層四區區高二尺六寸五分廣二尺二寸五分其第一區十五行行二十二至二十三字其第二區止三行鑄鐘人姓名第三區刻此鐘云云六行行十二字下層亦四區廣廣三尺高六寸五分三十行行八字正書在南昌府

安邊忠武切臣宣猛將軍前守池州刺史池州團練使
寧化軍節度副使在城馬步都軍使知楊州軍府事武
信軍節度使鎮海軍節度使寧國軍節度使建武軍節
度使守左神衛軍統軍本軍都軍使國城都城修開城
壕都檢校使武昌軍節度使兼營七使靜江軍節度使
知南都畱守檢校太尉兼侍中南昌尹開國侯食邑一

千戶林仁肇捨俸錢重鑄龍興寺銅鍾一口永充供養
觀夫善人宏願治氏畢功冀簋高懸捕牢迭應無兩始
息奪震響於春雷羣動初驚墜雄聲於曉鼓結界之地
布金之園設此堅牢同爲壯觀伏願上窮碧落歷淨方
而聽必咸歡下徹泥犁遍業趣而聞皆離苦觸類聞此
俱脫羽鱗然後軍庶之間城隍之外與耳俱登於善道
正心長叶於妙因 宗社興隆 皇王福履

以止仁肇身官克固祿位恒延保眷屬之利貞踐歲華
而安吉所有信心衆士福利同增仗此良因永爲不朽
時唐乾德五年太歲丁卯二月庚申朔二十五日甲申

記

勾當鑄鐘講經論僧文機僧惠徵臨壇僧洪節

左街首座申報左右街僧錄司公事長講經論大德
賜紫洪義

鑄鐘匠人王恩王昭王洪郭德

此鍾是先南平大王捨於保大十一年內因外延火
入寺燒損今來 甯守林侍中奉 聞自捨俸料
錢雇匠人重鑄過得聲相圓滿願先南平 鍾大王
同霑福利

□□□□□□□□□□乾德五年南唐南昌尹

林仁肇捨鑄中更兵火寺以焚毀惟鍾獨存普口浴
室薦聖諸院相系口葺因得中建鍾樓逮乾道八年
歲當壬辰府卽寺舊基剏造仰山二王行祠鍾適在
南夾牆中朝暮叩擊聲不遠聞守端竊念佛垂教法
設大聲音發悟品類功德無量况此寶鍾餘二百年
不可使口默不彰遂發已財得一百緡又率諸檀信
叶助餘力相地夾塏徙建樓宇於普賢院之左以口
舊鍾曾不閱月復振鴻音普願四方上下凡在聽聞
沉潜幽口獲解脫口口口滯悉得警省口口口口

口口口口

院僧守端謹識

右龍興寺鐘銘在南昌府城內百花洲西鐘樓蓋林
仁肇在南昌所鑄結銜并叙前所歷官與他刻異陸
氏南唐書本傳但云爲潤州節度使徙鄂州又徙南
都畱守而已鎮海軍潤州也武昌軍鄂州也寧國軍
宣州也建武軍揚州也皆在南唐管內若武信軍之
爲遂州靜江軍之爲桂州則非江南所有意者遙借
其名以寵勲臣乎或會別置鎮於境內而史失載乎
寧化軍則史傳別無可攷意亦李氏所置也

潛研堂
金石文

跋
尾

林仁肇南唐偉人馬陸書皆有傳歐文忠五代史僅
于李景世家載其浮橋一戰案南唐自周顯德以後
彊宇日蹙景謀遷都于洪州建南都至宋建隆二年
畱太子從嘉監國遂遷南都俄而悔之六月景卒煜
復嗣位于金陵文云知南都閉守南昌尹皆與史合
又有國城都城修開城濠都檢校使諸衛則肇實與
營建之役也紀元稱唐乾德五年實宋太祖八年建
命侯之七年南唐自顯德後削偽號奉正朔是時煜
雖歸命而仁肇猶屬守土之臣故徐楚金周處廟碑
稱唐乾德四年王秉文小篆于文書題大唐庚申一

時習尙不獨此文爲然宋帝寬大之量守臣倦懸之
思皆可想已書體遠紹永興不作孫崇望白崇矩輩
濫觴所宜亟錄也

竹庵金
石日錄

按龍興寺本晉禪居寺唐神龍間改名隆興後黃
藥山希運禪師居此鐘重一萬六十四斤高七尺
圍一丈四尺八寸有奇文在一面銘居上截之左
其右亦有文云此鍾是先南平大王捨又云今來
畱守林侍中奉聞自捨俸料錢雇匠人重鑄又云
順先南平鍾大王同霑福利南平大王卽前光化
大師碑所稱有唐鎮南節度使中書令南平王鍾

公按鍾傳見新唐書列傳五代史雜傳舊五代史附杜洪傳僖宗朝白撫州刺史擢江西團練使俄拜鎮南軍節度使檢校大保中書令爵潁川郡王又徙南平天祐三年卒蓋寺鐘本傳所捨後燬于保大十一年閏十二年畱守林仁肇復鑄之故銘謂之重鑄重鑄之後五年仁肇卽以疑見誅又三年而南唐亦亡所謂福利者安在哉新唐書傳傳又云傳凡出軍攻戰必禱佛祠積餅餌爲犀象高數筭觀此鐘及五代史補載上藍和尚事光化碑位崇列土心仰元門一禮慈悲三申延請諸語其

佞佛之心概可想見知新書之言非誣矣仁肇事
實具詳馬令陸游南唐書本傳其故居在今南昌
府治東南宋太平興國中卽其地作新建縣署距
鐘樓不遠也銘下一截亦有文內有况此寶鍾餘
二百年及仰山語益以中更兵火鐘在南夾牆中
宋僧守端建樓於普賢寺左徙鐘其上樓以乾道
十年建而刻文卽在十年仰山爲希運三傳弟子
或曾居是寺故及之歟此二段字漫漶不可辨揭
者多遺之并著於此銘中以止仁肇止疑至字之
誤觸類聞此觸疑畜字之誤功臣作切蒲半作蒲

皆別體字

本業寺記

碑連額高四尺五分廣二尺五寸三分二
十行行三十四字正書篆額在上元縣

僧契撰

東山任德筠書

夫以星池布彩扶烈宿於靈穹鶴樹收光運真風於像
教遠則摩騰入漢近乃達磨來梁傳三乘一性之宗古
今恒尔指見智無生之忍人我自除所以佛依法住法
假人導道本無心卽心悟道未謊斯理體解如然喧寂
之居故非常尋依 王水土事佛餅孟設戒防身藏

名遠愿剋修三業不止六塵稟奉四儀方歸入正其本
業寺者梁天監九年有釋淨口捨宅爲寺累代廢興石
像旣存鄉人崇信凡經亢潦衆聚祈求唯奉 因而
事家實遵堯而慕舜其民咸感其化堂堂旣偶 主

上垂衣屢中舉首山河秀實日月光輪遐迤奔趨車航
關湊三教齊興於 聖代一乘別紀於 明朝非頻婆
王而再出如何非須達多而重生弗口於保大五年有
上元縣近寺衆多檀信口義開寧兩鄉周俊周錫等雲
集口閉奏請開善寺僧令安歸寺整葺焚修蒙 先元

宗皇帝御批奉 功德使齊王百承省司給牒重賜開

基再修此寺江月沉而猶出塞雁去而還來唯酬

帝祚之恩永感 乘時之德爾後召募四方極信其勸

伽藍紺殿光鮮晨夜之香燈馥郁青龍迤邐寒暄之蒼

翠聯環寺主安上人俗姓口當門人事開善出家願義

六年 武皇戒品習筵經論罷好雲閑擬易高蹤應

來衆請佯居名跡獨質劬勞執火拾薪猶希弟子有上

足門人道新道昇道通道遍道圖等相次出家口承旨

訓如子奉親及至經業該通昇元受具甘露之香聖灌

頂如來之戒制持心戴日銜恩口山捧國師資之義恭

効無疲侍膳之心始終曷已次教化造得正堂厨庫其

有庠屋創堂必口圓就良時已偶星字重興東接文圃
昔是 儲君之主西連簪嶠今茲簪帝之蹤幾百年而
金梵冷音流傳佛事一千載之 龍圖開化普遍 皇
恩願戈鋌無討伐之心願稼穡有豐登之序九功樂業
三界同安長開十善之門其續五天之教金言可顯磐
石恒堅名籍有圖遺蹤莫朽年移事往紀德難勝繼踵
宏揚刻鏤銘石謹記 時唐乾德五年歲次丁卯七月
十九日建 鍾廓刊字

右本業寺碑僧契撫撰東山任德筭書石已中斷而
文義猶連屬可讀李氏三世好文學金陵又其都會

之地石刻見於陳思所錄者甚夥今惟存此爾寺在麒麟門外以僻左人蹟罕到嚴公子子進募工搨數本以其一遺予其書梁天監爲鑒輻湊爲闕蔣嶠爲

蔣

蔣山

闕作闕恩作恩皆它碑所未有

潘研堂金石文跋尾

按本業寺在江寧府麒麟門外此碑立于乾德五年七月前題僧契撫撰東山任德筠書二行撫字任字石本已泐明周輝金陵瑣事稱此碑契撫撰任德筠書蓋當時所見如此兩人名不見志乘瑣事但云德筠前蜀人其字號亦不詳也攷許嵩建康實錄云本業寺梁天監九年建碑云本業寺者

梁天監九年有釋淨口捨宅爲寺其說正同碑多
別體字潛研跋所未舉者如年作年再作再舉作
羣虛作靈之類至旣偶聖主良時已偶以偶爲遇
寒喧之蒼翠聯環以喧爲噓又皆借用字

前蜀

停空鏡銘

徑一尺銘三
十二字篆書

鍊非祇始煥質良工和珠也也昭乃帝
空箇自鳳翠歡瞬傳紅綺由繡擴俱
果不事

鍊形神冶瑩質良工如珠出匣似月亭空當眉寫翠對
臉傳紅綺窗繡幃俱函景中

余購得一鏡縱橫俱三寸餘色淳黑如漆鈕亦不甚
潤背作忘憂花葉四旁古錦文中有銘三十二字銘
曰煉形神冶瑩質良工如珠出匣似月亭空當眉寫
翠對臉傳紅綺窗繡幃俱含影中形神兩字半爲土
山結字極奇古韻藉微帶八分對字臉字創體尤詭
語亦娟娟深秀的爲徐庾手筆非唐諸家所逮魏晉
碑板灰冷烟飛寒山片石空聞其語卽今六代風流
不盡如王謝堂前燕者賴此一照子猶可想像百分

一耳次景集

學齋佔畢載鳳州有遁赤山景德中軍人入一洞穴
中有石鏡臺一鏡圓五寸背鑄水族回環有銘三十
二字云煉形神冶瑩質良工當肩寫翠對臉傅紅如
珠出匣似月停空綺窗繡幌俱涵影中方取鏡圓洞
後有風雨聲此鏡萬歷中膠州趙氏自汴京得之海
壑翁完璧自爲記按張君房麗情集載王蜀時天雄
軍節度使王承休妻段氏有美色王衍愛幸之賜以
粧鏡其銘同 按此銘又見博古圖丹鉛錄特傳作
傅字不合臉字從目幌字作橫頗協篆體池北偶談

右鏡徑五寸鼻鈕內作海馬蒲萄外正書銘三十二字按此鏡與學齋佔畢及太平廣記鳳州遁跡山郭家崖景德二年軍人楊起所得之鏡銘詞并同惟易幌爲晃通爲含與博古圖所載瑩質第二鏡但末句俱照秦宮爲稍異耳吳江陸繩購于濟南

山左金石志

按是鏡銘詞具載十國春秋前蜀王承休傳後主東巡以賜承休妻者吹影編以爲六朝鏡丹鉛摠錄墨林快事以爲唐鏡皆攷之未審耳向日所見有徑七寸餘者又有正書者銘詞皆與此同惟其中花紋諸品各異蓋鑄造時模範不一也此鏡得

自關中古澤可愛字迹亦極秀媚銘詞工麗綺旎
酷似徐庾之文稱爲香奩清玩史稱後主頗知學
問能爲淫靡之辭是銘當眉對臉諸語詞甚褻昵
足與艷情詩相配其後主自製者歟前蜀金石流
傳絕少此銘可備一種且其事亦足垂鑒戒云

後蜀

毛詩石經殘本

殘本高廣尺寸行字
多寡皆不計正書

經文起鵲巢之子于歸百兩御之訖二子乘舟願言思
子不瑕不害毛傳鄭箋起爵位故以興焉訖有何不可

而不去乎

全文不錄今取經序傳箋之與明北監本注疏有異者條列于後

鵲巢維鳩居之箋鵲鳩因鵲成巢而居之

監本作而

諭猶國君夫人來嫁

監本無

百兩御之傳送迎之車

皆百乘

監本作送御

箋是子如鵲鳩之子

監本是下無子字

采繫序箋其祭祀者

監本共

于沼于沚傳于於也沼

池也

監本無也字此下凡傳箋中也字監本無者皆仿此無關文義故不備錄

公侯夫人

執繫采以助祭祀

監本采作采箋目又祭下無虎字

夙夜在公箋早

夜在於公事

監本無於

禮記曰

今本無

被之祁祁薄

言還歸傳舒遲貌也

監本無

言事有儀

監本作

箋夫

人釋祭服而去其髮冠

監本無

無衰倦之失

監本表

草蟲序注卿大夫之妻待禮而行隨從君子也監本此序

無義此三句乃經文首章首二句之傳嘒嘒草蟲超超阜螽傳超超跳

躍也監本無阜螽螽螽也監本作螽也無螽字箋草蟲鳴而阜

螽躍而從之監本鳥下無而字猶男女嫁時監本作時未見君

子愛心忡忡傳猶有歸宗之義監本無箋謂在塗之

時也監本無在塗之時監本無之亦既覯止箋既覯

謂已婚禮也監本婚作昏後凡婚字皆仿此下無禮字言采其蕨箋猶今

之行嫁者監本猶下有已字行下無嫁字

采蘋序注全用箋語此下十有五年而奔監本無今

既嫁而為大夫妻監本無能循其所為女子之時監本

無所所學可觀之事監本作于以采蘋南澗之濱于

以采蘋于彼行潦傳蘋大萍也監本作沈曰蘋浮曰

藻監本傳無此六字惟篇首序下引陸氏箋經典釋文韓詩云沈者曰蘋浮者曰藻箋箋之以

蘋藻監本作此祭祭女所出祖也監本祭婦人行

尚柔順監本婦人雞筐及筥于以湘之傳員曰筥監本

員作湘京也監本京作亨箋是鉶羹之筥也監本鉶

宗室牖下傳宗室太宗之廟也監本作箋此祭禮唯

君使有司為之監本無誰其尸之有齊季女傳必先

醴之於宗室監本醴作禮下箋云非醴箋主婦設羹

者監本無祭禮主婦設羹教成祭之監本祭禮作祭

更使季女者成婦禮監本成下其齊盛蓋以黍稷監本

作案

甘棠序注食菜於召監本菜後封於燕監本於召伯

所美箋美草舍也監本此四字重煩勞百姓監本重

字國人被其德而說其化監本無

行露序注此殷之末也世監本作世此避唐諱豈不

夙夜箋夙夜早暮也監本無夜謂道中心之露太多

監本無心故不早早行耳監本無早彊暴之男監本

字太作大上有仲春行事必以昏昕之時監本無仲春誰謂女

無家何以速我獄傳獄訟也監本作箋云汝汝彊暴

之男變異也

監本改皆仿此作女

物有相似而不同者

監本無者字

物有與事有似而非者

監本物下無有字

士師當審

也

監本士師下有字

室家不足箋云幣可以備也

監本無室以字

家之道不足謂不以媒妁之言

監本無之道不以四字

不知六

禮之來

監本作不和

何以穿我墉傳視墉之穿

監本墉作牆推

其物類

監本無物字

亦不女從傳不女從

監本無女字

羔羊素絲五紵傳古者素絲以黃裘不失其制

監本黃作

英

退食自公委蛇委蛇箋於公謂正直順於事也

監本

於公土

故可自得公食也

監本無公食二字

羔羊之縫傳言

縫殺之大之與小

監本無之與二字

得其殺也

監本作得其制無也字

殷其雷傳殷殷雷聲也

監本不重殷字雷作雷

箋又

喻其在外

監本外下有也字

召南之大夫

監本無之字

猶雷之殷

殷然而發聲於南山之陽也

監本無之而南也四字

何斯連斯

莫敢或違傳何何此君子也

監本不箋所命之四方重何字

監本無四字

無敢或閑暇之時

監本無之字

振振君子歸哉歸

哉箋爲君使功業未成

監本無業字

歸哉歸哉者

監本無者字

在南山之下箋云下謂山足下也

監本無下也二字

標有梅其實七兮箋謂女年二十

監本無年字

求我庶士

迨其吉兮箋嫁者衆士也

監本嫁者下有之字衆士下無也字

善時謂

女年二十雖夏末太表也

監本無女末二字

標有梅其實

三兮箋此夏向晚梅之墮落若多在者餘三也監本作向作

鄉墮作隋若追及今兮監本及頃筐堅之箋謂夏之

已晚以傾筐取之於地也監本夏下之字脫下迨其

謂之傳則不待禮會而行之監本行之所以蕃育人

已也監本作人民此避唐諱不待禮會而行監本面

之者時雖不備監本時下相奔亦不禁也監本無亦

小星序注謂禮有貴賤監本有時彼小星三五在東

傳時徵貌也監本作徵則列宿更見之監本無則定

命不同箋不敢當夕監本無維參與昴傳昴也監本

作留也箋猶諸妾雖賤與夫人亦進御於君也監本無此

二語抱衾與襦是命不猶傳襦單被也監本作襦被箋以待

進御之序也監本無也字不若亦言尊卑異數也監本無數字

江有汜序嫡亦自悔者也監本無者字序注而不得心望

也監本作心望之江有汜傳江水決而復入爲汜監本無江水而三字

箋然而並流似嫡媵宜俱行之監本而作得無之字之子于歸

監本無于字三章同箋云之子是子謂嫡也監本之子下有是字也三字江

有渚傳水坡成曰渚監本作水岐成渚無曰字箋江水流而渚水

畱監本渚下無木字使已獨畱而不行監本無而字其後也處箋

嫡亦悔過自止監本無亦字江有汜傳洳江水之別者監本

無水字箋岷山導江監本作岷山此遵唐諱改岷從氏其嘯也歌箋嘯

者感口而出聲也

監本無者也二字

嫡有所思而說爲之

監本

無說

以自解說之也

監本無之字

野有死麕序注無禮謂不由媒灼鴈幣不至刼質以

成婚謂紉時之仕也

監本無禮下有者字謂作爲質作魯婚作昏無時字仕作世無

也野有死麕白茅包之傳羣敗之所獲

監本敗作箋田無所字

裏野中者所分麕肉

監本野中下有田字

吉士誘之傳誘導也

監本作道也下箋同

箋欲吉士使媒人導成之

監本無欲字

野有死

鹿白茅純束箋及野若有死鹿

監本無若字

非獨麕肉也

監本無肉字

純讀爲屯也

監本爲作如無也字

舒而脫脫兮傳脫脫

舒貌也

監本作舒遲

箋又疾時疆暴之男相刼質也

監本疾時

下有無字負作齊二無感我悅兮箋奔走節則動其佩飾也

悅音稅也監本奔走上有箋云二字下有失字節下無則字悅音稅也四字全無

何彼穠矣序以成肅雍之德也監本雍作註繪總本

繪作何彼穠矣唐棣之華傳穠由戎戎也監本由箋

王姬往乘之車監本無之字言嫁時始乘車監本言

則已敬和矣監本無維絲伊緡監本緡作緡此達

同箋何以爲之子乎監本無以絲爲之綸監本作以

善道相求之監本無

騶虞序則人倫既正監本無一發五豝監本作壹箋

君則一發而翼五豝監本則作射五戰禽獸之命也

也監本無字于嗟乎騶虞箋于嗟者美也監本作美之也一發五

豸箋豸生三歲曰豸監本無歲字

柏舟序仁而不遇監本作仁人不遇注近小人則賢者見侵

害監本近小人汎彼柏舟亦汎其流傳亦汎其流不

以濟渡也監本作亦汎汎其流重汎字箋舟濟渡物監本濟作載物下有者字

今不見用監本無見字與羣小竝列監本作而與羣小人竝列耿耿不

寐傳由徹徹也監本作猶箋言仁人既不遇監本無言字以

邀以遊監本邀作我心匪鑒傳鑒所以察形也監本

祭此缺筆避王知祥監本匪作箋我心匪如是鑒也監本匪作

亦有兄弟不可以據箋以為是也希耳監本也責之

不以兄弟之道

監本無不字

逢彼之怒傳彼之兄弟

監本作

被兄

我心匪石箋言己心至堅平

監本至作志

威儀棣棣

傳各有威儀爾

監本爾作耳

箋言德備而不遇

監本言下有己字

憂心悄悄愠于羣小傳愠怨也

監本作怒也

箋云悄悄憂

也

監本無此四字

羣衆小人在君側也

監本羣下有寤辟有

小字也作者

標傳標亦拊心貌

監本無亦字

曰居月諸箋君道常明如

月

監本作如日

而有虧盈

監本而有月字

今君失道而任用小

人

監本無用字

臣下專恣

監本臣下作大臣

如匪澣衣箋衣之不

澣則潰亂垢辱

監本作衣之不澣則潰辱

綠衣序注綠當爲祿

監本有故作祿三字

今轉作綠

監本無今字

綠

兮衣兮綠衣黃裏箋綠兮衣兮者

監本綠作祿下綠衣次之今綠衣反

以黃為裏綠皆作祿諸侯夫人祭服為之下

監本無為字女所治兮

箋亦喻其亂嫡妾之禮也

監本無其也二字

我思古人箋我

思此定尊卑

監本此下有

故心善之

監本無故字未有也字

緇兮

綌兮淒其以風箋緇綌所以當暑服也

監本無服喻也二字

失所也

監本喻下有

我思古人實獲我心箋妻妾貴賤

有序也

監本作各有序也

燕燕序注莊姜遠送于野

監本送下有之字

燕燕于飛差池

其羽傳燕燕乙也

監本乙作亂

燕之將飛

監本作于飛

箋于往

也監本無此三字遠送于野傳遠送過禮也

監本無也字

野郊外

也監本作郊外曰野箋乃至於野監本野下有者字舒己之憤盡已

之情監本無兩之字頡之頡之傳飛上曰頡飛下曰頡監本兩飛

字下皆有而字箋頡之與戴媽監本頡之遠送于南傳陳口

衛南陳下闕一字監本云陳在衛南也實勞我也監本此似筆誤實

是也監本無此三字本經典釋文語非毛傳其心塞淵監本此作淵此避唐諱缺筆作淵

傳仲氏戴媽字也監本無氏字箋任者以恩深相親信

也監本無深字孝友睦姻任恒也監本姻作媼

日月序以至困窮而作是詩也監本無而作是三字日居月諸

箋以治國之常道也監本之作者逝不古處箋甚為其初

時也監本為作違寧不我顧箋云云寧猶會也復云字衍監本無

是其所以不能定貌也

監本貌作完

逝不相好傳不及我

以恩相好也

監本無恩字

寧不我報傳我盡婦道而不得

相報

監本無我相二字

父兮母兮畜我不卒箋親之如母

監本

親上有又字

乃及養遇我而不終也

監本無而字

報我不述箋

不循者不循禮也

監本作不述不循禮也

終風序見侮慢而不能正也

監本脫而字唐石經與此同

終風且

暴顧我則笑傳笑侮慢也

監本作侮之也

箋云既競日風矣

監本競作竟

而又有暴疾之風

監本無有字末無之風二字

喻州吁之

不為

監本作為不善

如終日風之無休息

監本無日字休息作休止

而其

間又甚惡

監本作有甚惡

視莊姜則反笑也

監本作笑之

是無

敬之甚也

監本敬下有字未無也字

中心是悼箋云悼傷也

監本

悼下有者字無傷也二字

傷其如是然而已

監本而已下有字能得而止之六字

然肯來箋云惠順也

監本無此三字

不欲見其龍也

監本其下有載

字

終風且噎不日有噎箋既競日風

監本競作竟

且復噎

不見日

監本日下有矣字

而又噎也

監本也作者

喻州吁之闇亂

甚也

監本無之字

願言則噎箋我則噎矣

監本矣作也

此古之

遺言也

監本言作語

擊鼓序注將兵伐鄭先告陳與宋

監本無兵字

宋殤公之

即位

監本位下有也字

獎邑以賦

監本獎作敝

則衛國之願

監本願下

有也

伐鄭在魯隱公四年也

監本無公也二字

踴躍用兵傳

使衆踴躍用兵也

監本衆下有昔字

箋謂始治兵也

監本作謂治兵

時也

土國城漕箋或修土功於國或修治漕城

監本修土功修

作役治作理

從孫子仲平陳與宋傳從孫子仲

監本無公從字

孫文仲也

監本公孫上有謂字

平陳與宋也

監本無也字

箋子仲字

也

監本無子也

平陳與宋

監本與作於

樊邑以賦

監本樊作敵

不我

以歸憂心有忡箋不與我歸者

監本者作期

豫憂也

監本作也

之爰居爰處爰喪其馬傳有亡其馬

監本馬下有者字

箋今

於何居也

監本也作乎

于林之下箋當於林下

監本作當於山林之

下軍行必依山川

監本作山林

死生契闊與子成說箋生

也死也

監本作死也生也

我與子成說愛之恩

監本成下有相字

志

在相救者

監本作志在相存救也

不我活兮傳不我生活也

監本

不下有與字

箋軍事其伍約

監本并作棄棄字從世此避唐諱改作弃後棄字皆

仿此下無伍字

離散而相遠

監本無而字

于嗟洵兮不我信兮傳

信亟也

監本作極也

箋嗟其弃洵

監本作嘆其棄約

凱風序注成孝子自責之意也

監本成下有言字

凱風自南

傳凱風樂夏之長養也

監本無凱風二字末無也字

箋云凱風喻

寬仁之母也

監本凱風上有異者以三字

棘心天天母氏劬勞傳

天天盛貌也劬勞病苦

監本貌下無也字苦下有也字

箋天天喻七

于

監本天天下有以字

吹彼棘薪傳棘薪言其盛就

監本作言其成就者

母氏聖善我無令人箋母乃有獻智之善德

監本作智作知

我七子無善人而能報之

監本無而字

故母氏不安我室

監本無氏字

故去嫁也

監本故作欲

在浚之下傳言有益於浚

人也

監本無人也二字

載好其音箋興辭令順也

監本興下有其字

雄雉序故作是詩也

監本無故也二字

洩洩其羽

監本洩洩作泄泄避

唐諱改傳同

我之懷矣自詒伊阻箋繫由是也

監本由作猶君

子行如是

監本字作之

我安在其朝而不去

監本無在字

下上

其音箋喻宣公小大其聲

監本喻作興

展矣君子箋訴於

君也

監本作懇於君子也

瞻彼日月箋視日月之行

監本無視字

往而迭來

監本無而字

百爾君子不知德行箋可謂為有

德行而君子

監本作可謂為德行傳君

或有所遺

監本無此四字

女怨之

故問此

監本作女怨故問此焉

匏有苦菜

監本菜作葉唐諱作菜下傳箋同

傳匏謂之匏菜苦

監本作匏謂之匏菜苦

箋匏菜苦

監本匏作匏

謂八月之時時陰陽

交始可婚禮

監本時字不重交字下有深則厲淺則

會字可字下有以爲二字

揭傳由帶以上爲厲

監本由上有謂字上字

由膝以

下爲揭

監本無此六字

揭者揭衣也

監本作揭褻衣也

淺則揭以男

女之際

監本以作矣屬上句

箋旣以深涉記時

監本作深淺

喻男女

才性

監本男女下有之字

爲之求妃偶

監本偶作耦

有瀾濟盈傳水

人之所難也

監本水上有深字

箋喻犯禮深矣

監本矣作也

濟盈

不濡軌雉鳴求其牡傳連禮義不由於道

監本連作違於作其

由雉鳴而求其牡矣監本由作猶箋渡深水者必濡

軌監本不濡下雌鳴反求其牡監本雌雍雍鳴鴈旭日

始旦監本雍雍作傳旭日白始出監本無大昕之時

也監本大字上有似婦人之從夫監本無故昏禮用

鴈監本鴈迨冰未泮箋謂正月中以前監本無謂字

二月中可以昏監本無中字招招舟子人涉叩否傳

舟人之子主濟渡者也監本無之箋舟人子號召當

濟渡者監本舟人下有之由媒人之會男女之無夫

家者監本由作猶男使為配匹也監本使下有而我

獨否之監本無而人涉叩否叩須我友傳我猶待之

而不涉

監本猶作獨

貞女不行已知之

監本無已知之三字

谷風序注新昏新為昏禮

監本作新昏者新所與為昏禮

習習谷風

傳習習和舒之貌也

監本無之也二字

室家成則繼嗣生

監本

則作

黽勉同心傳言黽勉思與君子同心也

監本勉下有

者非夫婦之所宜也

監本無所也二字

采葑采菲無以下體

箋然而根莖有美時

監本根上有其字下無莖字

采之者不可以

根莖惡之時并弃菜也

監本無莖之二字弃下有其字

喻夫婦禮義

合監本夫婦下有以字顏色親

監本顏色下有相字

弃其相與室家之道

也

監本無室家二字道作理末無也字

行道遲遲中心有違傳遲遲舒

行貌也離也

監本貌下無也字有違字

箋云違猶徘徊也

監本無違猶二

字併個作研個下同不遠伊邇箋不能遠唯近耳監本唯誰謂

荼苦箋而君子過於已薄之苦毒監本無以北方

之以監本無燕爾新昏監本燕作宴淫以渭濁箋淫水

有渭監本水下特正貌也監本特作已之持心監本

正因取以自喻也監本也不我屑以箋當家之室也

監本作當無逝我梁監本無作毋違恒我後箋皇暇

也監本皇後廿所生子孫監本孫下方之舟之箋方

柑也監本柑何有何亡黽勉求之箋亡求有之監本

字凡且有喪箋凡且有凶禍之事監本凡字况我於

君子之家事難易監本難易不以我能情監本無箋

君子不能以見驕樂我

監本見作恩

賈用不售箋我脩婦

道以事之

監本以作而

如賣物不售者也

監本物下有之字無者也二字

昔育恐鞠

監本鞠作鞠上有育字

箋昔我幼穉時恐至老窮匱

監本釋下有之字至下有長字

無所避也

監本避作辟

既生既育箋既有

其財業

監本無其字未有矣字

又既長老

監本末有矣字

言惡之甚也

監本之作已

我有旨蓄傳貌美也

監本貌作旨

以我御窮箋言

君子亦但以我禦窮苦之時

監本無言字禦作御

有洸有潰箋

而無溫潤之色

監本無而字

不念昔者箋不念往者年穉

監本作往昔年稚

式微胡為乎泥中傳泥中衛下邑也

監本無下字

旄丘序注今稱伯者

監本作今日

旄丘之葛兮何誕之節

兮傳如葛延蔓相連也

監本作如葛之蔓延相連及也

箋士氣暖木

暖作綴

何多日也箋可以來而不來

監本無以字

汝日數何

一多

監本作女日數何其多也

何其處也必有與也箋我君何以

處此乎

監本處下有於字

必以衛有仁義之道故

監本故下有也字

責衛今不行仁義也

監本無也字

必有以也傳必以功德

也

監本德下有故字

又責衛今

不務功德

監本末有也字

匪車不東

監本無作

有流離之子傳流離鳥名也

監本無名字

始於愉樂

監本於作

而哀如充耳箋無所聞知如人之耳聲

監本知字十有也字無如

字

簡兮序仕於泠官

監本泠作伶注同

方將萬舞傳用之於宗

廟山川

監本無於字

箋萬舞千舞

監本作千羽下有也字

在前上處

箋周禮太胥

監本作大胥

以待教諸子

監本教作致

舍菜合舞

也

監本菜作采無也字

碩人保侯傳碩大德也

監本碩下有人字

有力

如虎傳有文章也

監本無也字

成於遠

監本末有也字

赫如渥赭

傳祭有卑燁

監本卑作界

箋碩人顏色赫然

監本頽作容

泉水靡日不思箋無一日不思也

監本作我無日不思聊與之

謀箋聊且晷之辭也

監本晷作晷下同未無也字

飲餞于廟箋通

衛之道所經

監本通作通

遺臻于衛箋疾至於衛而反

監本

反作我思肥泉傳所歸異於肥泉監本於思須與漕

箋故又思也監本作思之

出門監本作北門此蓋筆誤出自北門傳背明向陰也監本作向

無也字謂之何哉箋謂人事君無二志監本作我入自

外箋我從外入監本外下有而字

北風北風其涼箋使臣散亂去也監本無去也二字惠而好

我箋性仁愛人監本無其字其虛其邪箋其政威儀監本作其

故今皆以為急刻之行也監本也作矣莫赤匪狐莫黑匪

為箋猶今之君臣相承為惡則如一監本無之則二字

靜女序注遺我以彤管之法監本法作禮後皆仿此愛而不見

傳言志往而行止監本亦行王貽我彤管傳女史書

日月監本書下則以之金環退之監本以下悅懌女

美監本有箋云悅懌監本作女史以之說懌監本作

自牧歸棊傳茅之所生也監本所箋茅潔白之物也

監本潔作葉後仿此可以共祭祀也監本共作供

新塋鴻則離之箋鴻乃鳥而反離焉監本而

二子乘舟序傳二子伋也壽也監本作宣公為伋取

於齊齊女而美監本齊汎汎然迅疾而不礙危也監本

無危字中心養養傳養養愁憂監本愁不瑕不害監本

害取有箋我念思此二子之事監本念

僞蜀孟昶有國其相母昭裔刻孝經論語爾雅周易
尚書周禮毛詩儀禮禮記左傳凡十經于石其書丹
則張德釗楊鈞張紹文孫逢吉朋吉周德貞也石凡
千數盡依太和舊本歷八年乃成公穀則有宋田元
均所刻古文尚書則晁公武所補也胡元質宗愈作
堂以貯之名石經堂在府學

成都記

蜀石經周易後書廣政十四年歲次辛亥五月二十
日公羊傳後書大宋皇祐元年歲次己丑九月辛卯
朔十五日乙巳工畢僞蜀相母昭裔取唐太和本刻
石於成都學宮與後唐板本不無小異乾道中晁公

武叅校二本取經文不同者三百二科著石經考異
亦刻於石張貞又校注文同異爲石經注文考異四
十卷

海

鴻都石經自鄭遷雍遂茫昧于人間唐太和中復刻
十二經立石國學後唐長興中詔國子博士田敏與
其僚校諸經鑄之板故今世太學之傳獨此二本爾
按趙清獻公成都記僞蜀相母昭裔捐俸金取九經
琢石於學宮依太和舊本令張德釗書皇祐中田元
均補刻公羊穀梁二傳然後十二經始全至宣和間
席升獻又刻孟子參焉今考之孝經論語爾雅廣政

甲辰歲張德釗書周易辛亥歲楊鈞孫達吉書尚書
周德貞書周禮孫朋吉書毛詩禮記儀禮張紹文書
左氏傳不誌何人書而祥字闕其書亦必爲蜀人所
書然則蜀人之立石蓋十經其書者不獨德釗而能
盡用太和本固已可嘉凡歷八年其石千數昭裔獨
辦之尤偉然也公武異時守三營嘗對國子監所摹
長興板本讀之其差誤蓋多矣昔議者謂太和石本
校寫非精時人弗之許而世以長興板本爲便國初
遂頒布天下收向日民間寫本不用然有訛舛無由
參校判知其謬猶以爲官旣刊定難於獨改由是而

觀石經固脫錯而監本亦難盡從公武至少城寒暑一再易節暇日因命學官讎校之石本周易說卦乾健也以下有韓康伯注略例有邢璣注禮記月令從唐李林甫改定者監本皆不取外周易經文不同者五科尙書十科毛詩四十七科周禮四十二科儀禮三十一科禮記三十二科春秋左氏傳四十六科公羊傳二十一科穀梁傳一十三科孝經四科論語八科爾雅五科孟子二十七科其傳注不同者尤多不可勝紀獨計經文猶三百二科迹其文理雖石本多誤然如尙書禹貢篇夢土作乂毛詩日月篇以至困

窮而佳是詩也左氏傳昭公十七年六物之占在宋
衛陳鄭乎論語述而篇舉一隅示之衛靈公篇敬其
事而後食其祿之類未知孰是先儒有改尚書無頗
爲無陂改春秋郭公爲郭亡者世皆譏之此不取決
之以臆姑兩存焉亦鐫諸樂石附于經後不誣方將
必有能考而正之者

晁公武石
經考異序

孟蜀所刻石經其書淵世民三字皆闕蓋避唐高

祖太宗諱也

洪遵容
齋隨筆

呂陶曰五代之亂彊宇割裂孟氏有劍南百度草創
猶能取易書詩春秋禮記周禮刻於石以資學者國

朝皇祐中樞密直學士京兆田公加意文治討以饒
禮公羊穀梁傳所謂九經者備焉 席益記略曰蜀
儒文章冠天下其學校之盛漢稱石室禮殿近世則
石壁九經今皆存焉廣政七年其相母昭裔按雍都
舊本九經命平泉令張德釗書而刻諸石本朝因禮
殿以祀孔子爲官其旁置學官弟子講習傳授故蜀
帥尙書右丞胡公宗愈作堂於殿之東南隅以貯石
經蓋自東漢興平元年歲在甲戌始作禮殿逮我宋
紹興六年丙辰歷年六百七十有三其間僞蜀刻石
經之歲是爲晉開運甲辰至是一百九十有三年

趙希弁曰石經毛詩二十卷經注一十四萬六千七百四十字將仕郎試秘書省校書郎張紹文書蓋孟昶時所鐫 曾宏父曰益郡石經肇於孟蜀廣政悉選士大夫善書者模丹入石七年甲辰孝經論語爾雅先成時晉出帝改元開運至十四年辛亥周易繼之實周太祖廣順元年詩書三禮不書歲月逮春秋三傳則皇祐元年九月訖工時我宋有天下已九十九年矣通蜀廣政元年肇始之日凡一百一十二觀成之若是其艱又七十五年宣和五年癸卯益帥席貢始奏鐫孟子泚判彭慥繼其成凡十二卷乾道六

年庚寅三月日東里晁公武又鐫古文尚書經諸經

考略洪文敏公邁謂孟蜀所鐫字體精謹有正觀遺

風續補經傳殊不逮前

已上皆經義考所引

諸刻今皆不存所存者孔門七十二子像石經禮記

有數段在合州賓館中

曹學佺四
川名勝志

母昭裔河中龍門人蜀左僕射以太子太師致仕常

按雍都舊本九經命張德釗書之刻石於成都學官

孫逢吉成都人廣政中累官國子毛詩博士校定石

經分刻蜀中逢吉與句中正之功尤多

吳任臣十
國春秋

宋人所稱引皆以蜀石經爲証並不及唐陝本石經

其故有二一則唐石經無注蜀石經有注故從其詳
者一則南渡後唐石經阻于陝不至江左故當時學
官頒行之本皆蜀石經不知五百年以來蜀石經何
以漸滅殆盡予畱心搜訪二十餘年仁和趙徵士谷
林始得其毛詩二卷自周南至衛風耳如以朝饑爲
朝饑蓋異文也唐石經雖非故物然近來顧先生亭
林考證之至詳世頗知畱心者而蜀本則絕無矣程
克齋議蜀石經謂其春秋以甲午爲申午以癸卯爲
葵卯然其書旣多自不無舛錯要之有足資考證者
惜乎所見止此

結城
亭集

按蜀石經始刻於廣政七年迄南宋乾道年經凡

十三毛詩其一也詩經本二十卷此二南邶風祇

二卷据卷末題第一經二千八百六字注五千四

百七十一字第二經二千二

此數疑誤今計連卷首標題及各篇章句

總數共大字二千九百九十五字

注五千九百九十三字合二卷經

注共一萬六千二百七十二字今此本佚卷一之

前半

周南起至召南鵲巢首章鄭箋之半止

祇存卷一之後半及卷

二共存經注一萬二千五百四十一字是佚者三

千七百三十一字矣鵲巢注鄭箋起於爵位故以

興焉今本鄭箋云鵲之作巢冬至架之至春乃成

猶國君積行累功故以興焉是此上箋無爵位二字此二字攙用序語也石刻皆正書經文大字徑六七分毛傳鄭箋小字雙行分注於各篇章句中間每注文三字占大字二格凡注祇取毛傳鄭箋並不兼及孔疏及陸氏釋文凡傳不加傳字箋則有箋云二字凡篇首先載小序下用鄭箋作注惟庶篇鄭氏無箋用經文首章首二句之傳或接小序提行別起或接小序寫經文傳箋章句連貫不復離析篇末大字題云某篇幾章章幾句或在本篇經注之下卷首首行題

毛詩卷第二

空一格

毛詩國風

空一格

鄭氏箋次行云

邨柏舟詒訓傳第三並大字又次寫柏舟序注据
卷二如此卷一雖佚想亦同也卷末章句一行之
次卽題云毛詩卷第一大字下小字雙行云經若干
字注若干字卷二亦同別無號年歲月書刻姓氏
題識書法精謹與唐石經相埒現在摹本依襲本
式每行十四字共高尺許未見石本不能確定也
石久散佚拓本流傳者僅見此本卷二首有小木
印長一寸五分寬一寸正書四行云此書義助於
浙江杭州府武林門外廣仁義學永遠爲有志之
士公讀者凡廿八字首一行祇一敬字皆朱色廣

仁義學者黃同知易之父諱樹穀號松石其家在
杭州武林門外東馬塍之北前明少叅貞父先生
故第松石卽所居開廣仁義學聚羣書其中四方
來學者供其閱誦其書率爲海內交游諸藏書家
所助凡卷冊薄小者用此印卷帙厚者用墨色長
印大書廣仁義學四字斜鈐於全部板心折縫處
使人不能竊取松石歿後義學旣廢長子庭季子
易餬口四方塾中藏書無人主守皆散佚矣此本
嘗於乾隆壬戌臘月之望從廢仁義學攜至城中
趙氏小山堂主人谷林招集屬樊榭丁龍泓全謝

山諸人共觀賦詩題跋並見各人本集据谷林詩
自注云此本僅存二南邶風則在當時首卷本全
故厲詩全跋皆舉調饑作朝饑爲異文正在卷一
之前半今不可見不知佚於何時也此本新從吳
中摹得武林王溥家藏拓本溥字容大家於湖墅
與松石居鄰近蓋松石歿後遺書散失此本歸于
其家也但原本二卷全跋趙詩注皆言存二南邶
風而諸詩則趙云千劫灰餘祇一卷厲云孟蜀石
經僅一卷丁云一卷毛詩出鐫勒皆作一卷者詩
家約畧之詞非確數也諸詩但以朝饑爲典實不

及其餘是未暇細檢之故宋晁公武石經考異計經文不同者毛詩有四十七科序但舉日月篇以至困窮而作是詩也一條玉海載張奐校注文同異爲石經注文考異四十卷而未詳詩經注文之異者有若干卷全謝山跋引程克齋語亦但舉春秋二條不及詩經今惟取家塾巾舊藏明北監注疏本所刊行者以校此本互異之處甚多已條列於前更撮舉其大者重申論之經文之異者標有梅篇迨及今兮監本及作其上章迨其吉兮下章迨其謂之皆作其不應此章獨作及江有汜篇之

子于歸監本無于字三章並同此無他義祇以桃
夭鵲巢等篇皆作之子于歸此處亦依例增之柏
舟篇以遨以遊監本遨作敖說文敖遊也本作敖
陸氏釋文敖亦作遨是此本與釋文同矣燕燕篇
實勞我也監本作實勞我心心與爾叶韻萬無作
也之理此以心也字形相近傳寫致譌谷風篇燕
爾新昏監本燕作宴集韻燕與宴通安也息也無
逝我梁無發我筍兩無字監本皆作毋是亦通用
字不以我能愔監本無以字此與下反以我爲讎
句法相類玩箋意則此句衍以字昔育恐鞠監本

鞠上有育字此句兩育字昔育之育稚也育鞠之
育長老也下文旣生旣育箋云育謂長老也卽與
此育鞠之育同義此句箋云昔幼稚之時恐至長
老窮匱若無此育字則至長老義無著矣是脫育
字也鞠監本作鞠鞠鞠二字皆訓爲窮爾雅釋言
鞠究窮也書盤庚爾惟自鞠自苦傳鞠窮也二字
可通用北門篇作出門此因經文出自北門致此
筆誤靜女篇悅懌女美監本作說懌陸氏釋文云
說本又作悅毛王上音悅下音亦鄭說音始悅反
懌作釋始亦反則鄭氏本作說此引箋而作悅懌

五代四

之異者草蟲篇阜𧈧𧈧也監本作𧈧也無𧈧字
爾雅釋蟲𧈧𧈧下無𧈧字是此本衍文采蘋篇
蘋大萍也監本作大萍說文云蘋本作蘋大萍也
此作大萍者本之說文爾雅釋草萍萍其大者蘋
注總訓水中浮萍則監本作大萍者本之爾雅皆
非無據也下文沈曰蘋浮曰藻監本傳無此六字
据陸氏釋文引韓詩云沈者曰蘋浮者曰藻則此
六字以釋文攙入毛傳矣宗室太宗之廟也監本
作太宗大夫士不得有太宗廟箋云宗子主此祭
禮正指大宗此本譌也古之將嫁女者必先醴之

于宗室監本醴作禮按正義明言今毛傳作禮儀
之禮者司儀注云上於下曰禮故聘禮用醴酒禮
賓作禮儀之禮定本禮作醴今此本直作醴是與
定本同而非毛傳之舊矣行露篇獄訟也監本云
塙也經文此章速獄下章速訟明獄訟是二事不
得云獄訟也周禮地官有獄訟者注爭罪曰獄爭
財曰訟又爲獄訟兩事之證孔氏正義引鄭云獄
者塙也囚證於角核之處集韻塙字下引詩行露
注獄塙也可見唐宋所行之傳皆作塙則此作訟
者謬矣正字通又謂塙爲獄周制無此名說文塙

訓女牢塤卽塤之譌按說文云塤徒隸所居也一
曰女牢則以塤爲塤之譌說亦有據附識之小星
篇昂留也監本作留也留但訓魚符未嘗與留通
用五音集韻云昂星別名史記索隱留卽卯也毛
傳亦以留爲卯正謂此也孔氏正義引元命苞云
昂六星昂之爲言留言物成就繫留是也則作留
者爲是此蓋以留留同音力久切致譌稠單被監
本作禪被單與禪其音旣同又說文禪衣不重也
單者複之對也單與禪義亦相通此因是致異江
有汜篇水坡成曰渚監本作水岐成渚坡不成字

當作歧同岐字曰卽成字之意似係行文皆傳寫之譌鮑有苦菜篇鮑謂之鮑監本作鮑謂之鮑此本顯然筆誤又由帶以上爲厲由膝以下爲揭監本但云謂由帶以上也無由膝以下爲揭六字孔氏正義曰今定本如此爾雅釋水云以衣涉水爲厲由膝以上爲涉由帶以上爲厲孫炎曰爾雅引此詩因揭在下自人體以上釋之故先揭次涉次厲也傳依此經先後故引爾雅不次然傳不引爾雅由膝以下爲揭者畧耳可知唐時定本原無此六字此必蜀人因正義以傳爲畧而增之也凡此

皆傳之異也箋之異者甘棠篇芳草舍也監本此四字是傳非箋此誤攪入者行露篇夙夜早暮也監本但云夙早也無夜暮二字下文行事必以昏昕正與早暮合則或是監本脫也周禮仲春行事必以昏昕之時監本無仲春之時四字又行事必以昏昕六字本儀禮非周禮此本疑謫維參與昂箋猶諸妾雖賤與夫人亦進御於君也監本無此二句按上章三五在東箋已云猶諸妾隨夫人以次序進御於君也則此章似可不必複出此本疑衍野有死麕篇劫脅以成婚監本脅作脅此字改

從刀從貝字書不收王彥超修文宣王廟記建隆
三年立碑中有負字蓋是五代宋初所行之俗體
也奔走節則動其佩飾也監本作奔走失節動其
佩飾也二語是箋此脫箋云二字下云悅音稅也
四字監本無非箋非疏并非釋文此誤衍也臨虞
篇君則一發監本則作射此本傳譌豕生三歲曰
穉監本無歲字爾雅釋獸豕生三穉二豕一特本
無歲字此誤衍柏舟篇悄悄憂也監本無此四字
傳有云悄悄憂貌此似誤以傳爲箋君道常明如
月而有虧盈監本如月作如日虧盈上有月字君

道不可言如月虧盈正言月此本脫誤顯然燕燕
篇實是也監本無此三字本陸氏釋文語此以釋
文攬入箋觀此可知釋文之夾入傳箋五代已然
不自宋始矣日月篇是其所以不能定貌也監本
貌作完定貌無此文理完卽莊姜之子載嬀所生
孔氏正義引左傳石碏諫曰將立州吁乃定之矣
杜預云完雖爲莊姜子然太子之位未定是完不
爲太子也卽此箋所云不能定完也推其故完字
形近兒此又寫兒爲貌也終風篇惠順也監本無
此三字或監本脫谷風篇方拊也監本拊作拊說

文云編木以渡曰桴爾雅釋言舫桴也樊光本作
相此之作桴是其所本也泉水篇聊且晷之辭也
監本晷作晷字書無晷字此是傳訛凡此皆箋
之異也其餘無關義理者不復深論晁氏石經考
異稱左傳祥字闕筆知爲蜀人書洪氏容齋隨筆
稱其書淵世民三字皆闕畫爲避唐高祖太宗諱
今左傳未見此本又無祥字惟淵世民三字皆闕
畫與洪氏合然不第此也如棄字中從世改作弃
泄泄從世改作洩洩葉字中從世改作葉孟蜀時
唐諱可不避蓋皆從開成本之原文又察字闕筆

作察是避孟昶曾祖諱據五代史昶父知祥知祥
祖察父道今察字闕筆而道字不避卷中用道字
者甚多十國春秋高祖本紀考道注云蜀構机作
嚙今不諱道字或者先名道後改名嚙蜀構机似
有可據歟又凡避諱字皆闕一畫此察字闕三畫
猶唐石經儀禮有朱梁補刻者避梁祖諱成皆作
𠂔校勘石由蜀相母昭裔兩五代史皆不書其
事且春秋三傳至宋皇祐元年始訖工宜乎歐公
及見之而集古錄亦不載母昭裔附見宋史西蜀
世家母守素傳昭裔乃守素之父但事蹟無多惟

十國春秋有傳頗詳載刻石經之事至書詩經者
張紹文十國春秋無傳讀書附志僅稱其官別無
可攷校定上石者有孫逢吉爲國子毛詩博士而
謫外竟至如許今蜀石無存拓本字不多見而此
本僅存亦未經人深考爰詳校同異而論列之

南漢

西鐵塔銘

塔四而刻銘各七行行入字至十字不等外一行
官名文皆同其上下皆有佛號正書在番禺縣

盧迦那佛 此東上面

釋迦佛 此東下面

玉清宮使德□□□宮使開府儀同三□□內侍監
□□國龔□□同女弟子□□□□□□以大寶六年
□□□亥五月壬子朔□□□□□□鑄造□□□

入緣弟子內給事都監韶州梁□□
以上東面

盧舍那佛 此南上面

彌佛 此南下面

玉清宮使德陵使□□宮使□府儀同三□□內侍□
□□國□□□同女弟子□□三十二□以大寶□□
歲次癸□五月壬子朔□□□□辰鑄造□□□□

入緣弟子內給事都監韶州梁延鄧 以上南面

毗口口佛 此北上面

藥師佛 此北下面

玉清宮使德陵使龍口宮使開府儀同三司口內侍監
上柱國龔口口同女弟子口氏三十二口以大寶六年
歲次口亥五月壬子朔十七日口辰鑄造永口口口

入緣弟子內給事都監口州梁延鄂 以上北面

口口佛 此西上面

弥勒佛 此西下面

玉清宮使德陵使龍德宮使開府儀同三司行內侍監
上柱國龔澄樞同女弟子鄧氏三十二娘以大寶六年

歲次癸亥五月壬子朔十七日戊辰鑄造永充供養

入緣弟子內□□□□□□□□延郭

□弟子劉軍□以上西面

歲在壬申重游嶺表改歲正月南海陳元孝飯子光
孝寺南漢之興玉寺也寺僧導主客詣劉銀所鑄鐵
塔所在見二塔並立一屋中修短不齊一作記一題
名始悟曩時拓本合二爲一記之不詳元孝詒子南
漢主劉龔葬番禺縣治東二十里北亭明崇禎丙子
秋九月穴中有雞鳴土人發其墓隧道崇五尺深三
尺有金像十二一見而坐一笄而坐殆馬后也欠侍

十人疑是諸子又學士十八以白金鎔鑄其他珍異
物甚夥有碑一具書翰林學士知制誥正議大夫尙
書右丞上紫金帑臣盧應奉勅撰文曰維大有十五
年歲次壬寅四月甲寅朔念四日丁丑高祖天皇大
帝崩于正寢越光天元年五月癸未朔十四日丙申
遷神于康陵禮也云云予方注五代史衰年健忘遂
牽連書于前冊亡友仁和吳志伊撰十國春秋盧應
更作膺謂事襲爲工部侍郎大有中加太尉中宗時
拜中書侍郎同平章事銜名不合惜其已逝未得此

異聞也

曝書亭集

右龔澄樞造鐵塔記塔在廣州光孝寺文凡七行世
所傳者惟西一面文乾隆甲午夏益都李文藻素伯
諦觀東南北三面鐵繡中隱現有字募人錐出剔之
文皆與西面同而每行字數有多寡蓋非一范也素
伯又爲文記塔之形製云塔自石趺以上高丈有九
尺六寸石趺四重刻獅獸鐵趺四重一作瓦檐形二
作龍戲五珠縮其地廉外爲四人首戴第三重如最
層狀三重亦刻花紋四重周作蓮花四面各濶四尺
六寸爲瓣九中瓣刻文於上自蓮花瓣以上凡七層
以次而狹皆鑄佛像最上濶不過二尺又上爲蓮花

頂每層大佛一衆小佛環之每面七層計二百五十
佛四之則千佛矣下二層佛旁有字梯而視之第一
層東曰釋迦佛西曰彌勒佛南曰彌陀佛北曰藥師
佛藥師佛者釋家謂之功德佛其造塔者自况乎第
二層東盧遮那佛南盧舍那佛西牟尼佛北毗舍浮
佛它佛名皆刻佛左而此獨刻佛右塔頂似有字勢
甚危不可梯也

潛研堂金石文跋尾

按十國春秋南漢世家龔澄樞傳云廣州南海人
事高祖爲內供奉官累遷內給事中宗襲位以林
延遇薦累官至上將軍左龍虎軍觀軍容內太師

是塔所署官階悉與傳合澄樞由宦官致位通顯
與女巫樊胡子內外作奸後主惑之卒以亡國可
爲深慨謝中丞啓昆粵西金石略載蒼梧縣感報
寺銅鍾亦南漢乾和十六年行內侍吳懷恩所鑄
其題銜皆吳任臣所未及惜不得見其拓本然五
季宦官之禍莫甚於南漢可想見矣大寶六年宋
太祖建隆四年也

東鐵塔記

塔西面刻記八行行十字至十二字餘五角或二行
或三行行或十五六字至二十餘字不等皆列沙門
官銜
正書

工部尙書口法口師沙口口口

此南面
東角

口中大口口口口口口口口口口口

缺

口檢校

口部尙書口口口口口口口口口口

此東面
南角

教中大法師內供奉講經首座金紫口口口夫檢校

工部尙書寶法大師沙門臣口口口

此北面
東角

內殿大僧錄教中大法師金紫光祿口口檢校工部

尙書曉真大師法門臣道口口

此北面
西角

鐵增建自大寶十年凡七層合相輪蓮花座崇二丈

有二尺觀其列名皆宦者也當其時銀又範銅爲已

像并肖諸子列于天慶觀而今已亡之蓋金石刻之

傳于世金之用博故其鑲也易以予所見自唐以來
惟景雲觀法性寺二鐘銘及是埵記而已若晉祠鐵
人鑄自宋建中靖國年則其文在胸突出難以摹搨
蓋款識不同幾前人之舊矣

曝書亭集

廣州光孝寺有二鐵塔其在東院者以黃金塗之南
漢主劉鋹所造寺西院又有千佛鐵塔兩塔高大略
相等東塔較高宋竹垞謂見二塔並立一屋中修短
不齊一作記一題名始悟曩時拓本合二爲一記之
不詳疑才得其實也又謂其列名皆宦者今觀其列
名皆沙門監造而宦者惟龔澄樞一人且其塔乃澄

樞自造又在錢所造之前亦不得合爲一也 又按

竹垞書錄後記劉樊塚碑事與王文簡皇華紀

聞所載頗有錯互余甲申秋將出都時錢辛楣學士

首以此託爲攷訂比抵粵訪諸官吏與士人問其所

謂北亭者在番禺城東二十里許而劉樊之塚與碑

則竟無知者蓋二先生亦皆非得自親睹所以傳寫

或有訛失卽如竹垞所記係光天元年而文簡則疑

光天無五年而所據載者乃作五年

廣東新語亦作元年

又盧

應下文簡所記是初字廣東新語所記是勅字俱無

奉字而竹垞所記則多一奉字安知初字非卽勅字

之誤乎竹垞稱陳元孝語于云云則是竹垞既得自
口傳而元孝復出自記憶無怪乎王朱兩先生之傳
聞異詞矣

翁方綱粵東金石略

右造千佛寶塔記在光孝寺之東院寺僧以灰填其
文而塗金于外謂之金塔記在塔之西面凡八行其
北面西隅題名二行東隅題名二行南面東隅題名
二行西隅題名三行東面南隅題名二行西面兩隅
及東面之北隅皆無刻文予所藏者李素伯手揭之
本視他家特爲完善寺之西院有龔澄樞所造鐵塔
先於此塔四年亦非奉勅所造朱錫鬯謂劉鑑所鑄

二塔竝立一屋中一作記一題名者誤也此塔題名
六人惟所謂宮使者似是內侍之職餘皆沙門爾朱
以為皆宦者亦誤潘研堂金石文跋尾

吳越

金塗塔記

塔高七寸四面面廣三寸平列佛像四層為數共一
十有三下一層象七中間一層象三上一層兩邊各
一其最上一層四隅各一統四面計之共像五十有
二其塔下四面一面無字兩面僅各一保字惟一
保字上有字四行一行
四字三行行五字正書

吳越國王錢鏐敬造八万四千寶塔乙卯歲記

寺塔之建吳越武肅王倍于九國按咸淳臨安志九

廂四壁諸縣境中一王所建已盈八十八所合一六
四州悉數之且不能舉其目矣當日嘗於宮中冶息
金爲瓦繪梵夾故事塗之以金合以成塔鄆陽姜堯
章得其一版乃如來舍身相陽穀周晉仙文璞賦長
歌紀其事有云錢王本自英雄人白蓮花現國主身
蛇鄉虎落狗脚朕何如錦袍玉帶稱功臣考羅平僭
號王遺董昌書曰與其閉門作天子九族塗炭不若
開門作節度終身富貴無憂晉仙卽演其辭使聞者
足戒此詩人之善於取材者已鄉人蔣爾齡亦得一
版作放下屠刀立地成佛相以施城東白蓮寺僧吾

友周青士所目擊曾以語余及余歸田則爾齡青士
皆逝詢之寺僧堅不肯承真跡不可復覩遂書其事
附錄晉仙詩冀此及未燦好古君子或一遇焉錄書亭集
右吳越國王造塔記文云吳越國王錢宏俶敬造八
万四千寶塔乙卯歲記卽周晉仙所謂金塗塔也晉
仙詩云錢王納土歸京師流落多在西湖寺納土本
忠懿王事惟詩中太師尙父尙書令一語偶誤蓋忠
懿未嘗有尙父之稱也竹垞檢討直以爲武肅王造
由於未見拓本故爾宋史吳越世家忠懿單名俶蓋
避宋諱去上一字塔造於乙卯歲在宋受禪之前固

無所避也

潛研堂金石文跋尾

五代吳越國王錢宏俶金塗塔自四角至底高今營造尺四寸二分據表忠譜圖上有塔頂高三寸相輪七級除四角亦與塔身同高三寸故彼圖統計高六寸也以今天平等之重三十五兩塔分四面第一面佛像坐左右各一人前有二虎佛作割肉飼虎狀按周文璞詩言飢鷹餓虎紛相向釋德清記言前則尸毘王割肉飼鷹救鴿此數版內皆無鷹鴿像此一面與張芑堂金石契所載人字編號者無少異此面之內鑄楷字云吳越國王錢宏俶敬造八萬四千寶塔

乙卯歲記十九字下別有一保字編號第二面一佛坐右旁二人一立一坐左旁二人立持杵此面之內無文字第三面一佛曲膝俯首一人持刃加其首一人承其下一人倚其後後有寶樹一株此當是月光王捐舍寶首事此面之內有保字編號第四面佛立像左右各一人前有二虎佛作割肉飼虎狀此面內亦有保字編號四面下層皆有佛像三窗鐙形二上層共出四角角三稜稜上外八面面一經剛持杵像內成四面面一佛坐像其上頂平禿據表忠諸尙有相輪七級今拆去也塔底四角有銅汁黏合故世有

散成一片者考錢宏俶字文德武肅王鏐之孫元瓘之子佐之弟薛居正五代史漢乾祐元年胡進思廢琮迎俶立之是爲戊申歲茲塔造於乙卯爲俶嗣立之八年周之顯德二年也俶造塔云八萬四千者南史云阿育王塔卽鐵輪王王闍浮提一天下佛滅度後一日一夜役鬼神造八萬四千塔此卽其一又雜阿含經曰阿育王問大布施於諸比丘尊者云欲于一日一念之中起八萬四千寶塔一時俱成又談苑載錢鏐說曰釋伽真身舍利塔見於明州鄞縣阿育王所造八萬四千而此震旦得十九之一也太宗命

取舍利禁中度寶寺地造浮屠十一級以藏舍利據此三說則俶所造不過剌取梵典成語且以闢發先志未必當時實有此數此塔與南宋江堯章所藏及釋德清所記之二塔不同亦與周青士所見之一版作放下屠刀立地成佛者不合當別是一塔矣此塔完好工緻宏俶名字顯然一望知爲忠懿之物使朱竹垞見此必無武肅之誤乾隆五十七年海寧陳騎尉廣寧以贈安徽巡撫朱石君師師於次年寄至京師命元攷之如右

阮元跋

石金塗塔卽朱氏曝書亭集所載錢武肅王金塗塔

是也按錢氏表忠譜塔高六寸重三十五兩陰有文
吳越國王錢宏俶敬造八萬四千寶塔乙卯歲記凡
一十九字下有一保字外畫象作飢鷹餓虎狀今燕
昌觀於桐鄉金郭巖比部家題識畫象與表忠譜俱
同惟保字今所見作人字按紹定間程秘龍山勝相
寺記吳越忠懿王用五金鑄十萬寶塔以五百遣使
願日本據此則武肅未聞鑄塔而竹垞以爲武肅王
何邪云八萬四千者水經注阿育王欲破塔作八萬
四千寶塔蓋佛家言三千大千者奇數之極八萬四
千者耦數之極耳又按慈山記則表忠譜與今所見

僅塔之一面近日山陰陳默齋得一座四面畫像俱全及吳越國王一十九字又一保字與前人所記大畧相同益知武肅未嘗鑄塔也竹垞之說殆承周青士之訛耳

張燕昌金石契

右吳越忠懿王金塗塔向藏吾鄉壽量寺中作香爐供奉後爲徐竹濤所得余以定武蘭亭及青藤道人畫卷易之高今工部尺四寸三分上有頂作浮圖七級狀已缺中欸有吳越國王錢宏俶敬造八萬四千寶塔乙卯歲記十九字凡四行考歐史宏俶爲武肅孫乙卯歲當是周顯德二年其塔多埋土中宋時姜

白石得其一周文璞爲作歌紀之程嘉燧破山寺志
曹勛松隱集周簣采山堂集及錢氏表忠譜載塔本
末甚詳朱竹垞靜志居詩話以塔爲武肅王物殊誤
一云宏俶納土後造此塔八萬四千報趙氏不殺恩
亦謬攷錢氏納土在宋太平興國三年戊寅歲如在
納土後則乙卯歲當是真宗之大中祥符八年時俶
卒已久安得復有造塔事耶

陳廣寧跋

按錢宏俶鑄塔之事不書於史嘉泰會稽志稱紹
興初善法院捨地得金塗銅塔是南宋時始見於
世後姜夔曾獲其一以示周文璞爲賦長歌紀之

其詩存方泉集中程嘉燧破山寺志又云中憲大
夫顧玉柱墓在寺東今遷於墓門東偏營墓時掘
得吳越錢忠懿王所造阿育王銅塔今尊藏寺中
據釋德清記亦與今所見不同蓋當時鑄造不一
其製故流傳於後形狀各異如此此本拓自海寧
陳氏其畫像已詳諸家跋中昶驗其文前面與鮑
復秦表忠譜所圖適合當是一范所出惟譜所圖
塔頂尙有相輪七級是塔無之則已缺損矣乾隆
中陳氏以塔遺今相國大興朱公公等進諸
內府人間傳拓日少此本尤寶貴也

北漢

天龍寺千佛樓碑

碑高八尺八寸三分廣四尺一寸五分二十五
行行六十七至七十二字不等正書在太原縣
口漢英武皇帝新建天龍寺千佛樓之碑銘并序

推誠佐命保祚功臣特進守尚書左僕射兼中書侍
郎平章事上柱國隴西郡開國公食邑三千戶臣李
惲奉勅撰

帝宅之西五里而遠羣山邃谷延袤縈擁北自乾坎南
距申酉蒼崖峭壁怪石靈泉薜蘿蔭乳竇以夏寒藥桂
嚮晴陽而冬綠潤涵清泚自激輕音蔓草凡茸本無毒

整洞穴窈窕煙嵐間虧隔雲間雞犬之聲度嶺接樵蘇
之徑大哉氣通斗極崆峒帶多武之鄉地劃秦墟普野
樂深思之俗况乎刑政之經不紊霸王之器具存紀都
邑卽天下之浩穰養士馬卽域中之精勇往者北齊啓
國後魏興邦雖未臻偃伯之稱且咸正事天之位時或
倦重城之宴處選面勝之良游各營避暑之官用愍鳴
鑾之駕亦猶秦之阿旁晉之祿祁楚之章華漢之未央
古基摧擗往往存焉年塵滯遙率多改作葢以翼翼都
會豪右富民因舊圖新增制惟錯於是乎金人塔廟老
氏宮觀星布於巖石矣懿哉坤維之上舍之遙掌木

陰翳奇峯峭口上有平址東西僅五十步北倚石壁有
彌勒閣內設石像侍立對峙容旨溫口其鐫磨之巧代
不能及昔

睿宗皇帝再加添飾功用宛然次東
有池水甚潔澄湛凝碧觀之恐聳國人儼其堂宇偶以
神位每角亢方中雷雨未施卽零晴成萃矣馴嶺西下
口口約三百步有高寺榜曰天龍故易義云夫龍者潛
卽勿用飛卽在天命口之名固其宜矣

今英武

皇帝應千齡之運居九重之尊比自舞象執經齒胄學
優於庠序問安視膳口口口口於延閣勤叶咨詢行符
典則負對日之辨似不

能言

口秤象之智果而勿伐肅

肅煌煌然偉量知幾深不可測立德在間平之右承家
繼文武之基自非通濟艱亡孝安

宗社孰能興

於此乎天會中

睿宗皇帝以道□□□□□□

□□□□□出閣受檢校司徒歸義府都督時年尙幼
冲躬親官次寡鮮敏德務簡刑清吏不敢欺府無畱事
嘗以公退休暇与叔季諸王方駕接軒禮謁精藍一歲
之中

□□□數

上獨口東序塑觀音像一堂其

內幡花纓蓋供飾之用靡不嚴潔於茲日新每具齋禱
罔不乾乾惕惕潛發明誠所志者延鴻祚於邦家弭茲
氛於區宇因心愛敬不忘斯須□□甚嘉羣論歸美攸

是罷解公府特恩加檢校太保授右金吾衛大將軍充
大內都點檢貞幹服勤中外嚴勅宣威敬事動叶

聖謨及

皇帝踐祚加口口太師行太原

尹階勲爵邑悉稱公台尋領侍衛親軍事未幾值倉卒
之變震駭非常 上獨執雄斷入平內難時戊辰

秋九月嗣昇

宸極立定傾危赫然大口垂裕終

古自是口口繫念恒切歸依每屆良辰必親

行

幸至壬申年十二月二十二日

詔有司於大殿

後正面造重樓五間築遺良冶鑄賢劫自

拘留孫

如來已降鐵佛千尊口範金審像口口容光相圓明等

無差別如是勾分龕室各安上級時

詔宣徽北

院使永清軍節度使檢校太保范超自始監修應期成
就基砌柱礎廣檻飛甍丹彩相望□□□□巍乎窓扉
下瞰於雲端棟宇勃興於地表金鑪曉炷惟聞葡萄之
香玉盤晨鳴不假蓮花之漏議者曰樹超世之果圖不
朽之功必依惟著之謀宜享終天之祿豈止夫望祭□
□□□□禱之宮駕騁瑤池徒縱盤游之樂者哉

上御字之八年乙亥歲

天贊□□義敦天

性禮叶彝章泊春末夏初累飛詔示必以備物典冊將
加徽號洪名

□□君親之恩敬修迎受

之禮至夏六月十六日果降貴近昭宣口容尋於正殿

口口

英武皇帝兼領

龍衣玉帶馴馬塲

鞍別賜神旗鼓吹殊私異將口口口口口口衆心悅隨羣
后稱慶寶函金簡揚命舜命禹之書取朽持盈盡爲子
爲臣之敬禮之大者帝載無窮先是英武皇帝

以分歲攝提建月青風口口口口口口昇寒氣將退嚴整
儀衛親率公卿駕蒼虬之駉駉衣赭袍之熠熠雲韶寅
導和樂口口口口口口曲之居悞屆初禪之境臣幸陪

天仗親奉

德音既成口福口口口口口口

之祐遽茲承

詔俾誌勝緣將紀

洪猷潛

恩秘祝所冀龍華會上側聆善囑之言星宿劫中徧觀
青蓮之相懽心有待謹作銘云

覺皇選興大教垂世成位有期懷空相繼大哉賢劫于
佛重光六度万行軌躅相望浩劫迢遙一念可攝勿謂
難逢聲塵相接惟彼陶唐上列參墟莓莓沃野煌煌帝
居天啓亨會神輸瑞圖英武定難后來其蘇聖人有作
撫寧邦域治民事天允釐度續金像玉樓伊帝之力普
濟蒼生永尊皇極

廣運二年歲次乙亥八月庚子朔二十二日

翰林書令史劉守清書

翰林書令史王廷譽篆額

右天龍寺千佛樓碑李憚奉勅撰劉守清書王廷譽篆額憚以宰相奉勅撰文列名碑文之前守清廷譽則列名於碑末年月一行之下不稱臣亦不云奉勅微之也吳任臣十國春秋載此碑頗多明文今得石本校之可識者尙廿許字舛誤者又數字始歎博聞之家又以審核爲難爾

潛研堂金石文跋尾

按碑前題推誠佐命保祚功臣特進守尚書左僕射兼中書侍郎平章事上柱國隴西郡開國公食邑三千戶臣李憚奉敕撰末題翰林書令史劉守

清書翰林書令史王廷譽篆額十國春秋北漢李
暉傳暉字孟深汴州陽武人乾祐初第進士歷仕
睿宗父子文詞駢麗見推流輩英武帝時天龍寺
千佛樓成詔暉撰碑銘而命翰林令劉守清王廷
譽勒文於石一時無不嘆絕卽此碑也傳載暉歷
官多與碑符惟劉守清王廷譽二人碑稱翰林書
令史而傳但作翰林令爲異檢十國百官表北漢
有翰林令史不應傳中單稱翰林令當由傳刻脫
去史字耳碑立於廣運二年乙亥八月廣運爲劉
繼元僞號乙亥爲宋太祖開寶八年五代史北漢

世家云劉承鈞改乾祐十年曰天會元年承鈞立
十三年卒繼恩立九月侯霸榮等殺之迎立繼元
改元曰廣運攷通鑑周世宗顯德四年丁巳北漢
大赦改元天會顯德七年庚申恭帝禪宋是爲太
祖建隆元年則天會十三年乃開寶二年己巳是
年繼元卽改廣運則廣運二年當爲庚午歲矣與
碑所題歲次乙亥者不合十國春秋深論五代史
之誤其編漢年則書睿宗乾祐九年改明年爲天
會元年又十二年睿宗昶少帝英武帝並不改元
至十七年始改明年爲廣運元年以甲子計之二

年適當乙亥歲吳氏并引揚夢申所撰定王劉繼
騶碑末署廣運元年歲次甲戌亦與此碑吻合然
則歐史之誤顯然吳氏得據諸碑正之金石之有
功於史政非淺也

堅牢塔記

碑連額高五尺四寸五分廣三尺七寸二十一
行行二十七字正書題崇妙保聖堅牢塔記入字篆書在
侯官縣石塔寺

□□崇妙保聖堅牢塔記

中散大□□□書□□柱國賜紫金魚袋 林同穎

奉 □換

右街神光寺文章應 制應慧大師賜紫臣僧

奉詔書

夫古之塔者見童蒙沙授記問諸金僊子鬼神碎寶成
功歸彼鐵輪王今之塔也非寶非沙彌堅彌大整觀來
之巨石狀湧出之浮圖是故人但有心物亦無體心以
不貪爲戒寶卽同沙體以不磷爲名石還勝寶我當今
睿文□□□聖元德隆道大孝皇帝君臨城內 佛在
王中雖日忽 萬機且 躬行十善嘗曰植福
靡因乎地賦命弗自乎天猶吾 基構之肯承亦我
梯梁之風設而今而後念茲在茲□□三年歲次辛丑
冬十一月 上視朔之暇顧謂南面城中西來山左

林繁薈重滿國以馨香草偃苾蒨占度年之蒼翠可
安之宰堵鎮此高岡是月八日峻址環開貞姿片合眉
一至九樣獨無雙暨 年 月良工告成凡一十六
門七十二角并隨層隱出諸佛形像共六十二軀繇是
影籠千室猶趙潤礎之隅勢入重霄已戴補天之色壯
矣哉壽嶽因之永固他山爲之一空設使王曰毗沙堅
應不動臺稱壘土比則非牢 作之者莫與爭功目

之者自然生善臣叨承一出綵俾屬受辛瞻八面之貞
明相高 口口舉一隅之磨琢略類微才將何

確論宏規虛忝堅令善誌却於文罷特地魂驚益不容

捐讓洪儒彫鏤翠翹唯深幸矣敢直言之永隆 年歲

次 月 日記

神光寺長講兩經三論大德賜紫臣文於篆

□□□□□□□□勸鐫

□□□□□□□□□□大孝皇□王曦之

按此碑在侯官縣南潤寺東石塔寺今寺沒于民

居塔猶存也福建通志云唐貞元十四年德宗誕

節觀察使柳冕以石爲塔啓祝賜名無垢淨光塔

晉天福二年閩王曦重修刻石題曰崇妙保聖堅

牢塔記嵌於塔上時閩已僭號記中有詔勅年號

等字俱爲後人削去末尙有永隆年月及王曦等字通志之言如此今据碑文中間有謚號一行泐三字證以十國春秋乃王曦之謚曰睿文廣武明聖元德隆道大孝皇帝也下有三年歲次辛丑而泐其上兩字以十國春秋紀元表攷之正永隆三年也文云王曰毘沙擎應不動臺稱壘土比則非牢此卽命名堅牢之義也文又云南面城中西來山左可安之率堵鎮此高岡是月八日峻址環開貞姿片合玩此文義當由新建不似修舊且並無一語述及舊塔與通志所謂卽無垢淨元塔者未

合末行題大孝皇口王曦之大孝上勅三字似卽
王曦之謚號皇下勅帝字王曦之下不知勅幾字
据歐五代史曦乃王審知之少子初名延義旣立
更名曦名與薛史云更名義不從十國春秋名同
薛史而以爲太祖卽審知第二十八子其立碑之年
在晉爲天福六年通志作二年者亦誤文旣用謚
號又斥曦名似係後人追記者